

四庫全書

史部

欽定四庫全書

史部  
浙江通志卷八

詳校官給事中臣戴璐

檢討臣德生覆勘

總校官編修臣倉聖脉

校對官學正臣陳木

謄錄監生臣趙廷麒

欽定四庫全書

浙江通志卷八

建置

五

嚴州府

通典春秋時屬吳後屬越又屬楚

青類天文分野之書秦屬會稽為鄞郡之地

謹按通典云秦為鄞郡地蓋以新安新定等為鄞  
郡地耳考秦三十六郡鄞與會稽共治揚州之境  
是時新定未有所分迨孫權置新都郡後隋唐漸  
以吳郡餘杭之屬縣來隸是新定實處鄞與會稽

之間非獨為  
鄆郡之地也

清類天文分野之書漢屬會稽及丹陽郡

清類天文分野之書後漢屬吳郡及丹陽郡

謹按通典云漢為丹陽郡地後漢以後並屬吳郡  
考漢書地理志富春屬會稽郡歙屬丹陽郡後漢  
書郡國志富春屬吳郡歙屬丹陽郡建德桐廬新  
昌于富春縣分置始新新定于歙縣分置分水又  
於桐廬分置是在前漢時屬會稽及丹  
陽二郡後漢屬吳郡及丹陽郡無疑矣

三國吳志建安十三年權使賀齊討黥歙分歙為始

新新定犁陽休陽縣以六縣為新都郡

太平寰宇  
記新都郡



理始新縣

屬揚州

清類天文分野之書三國吳立建德桐廬新昌三縣

屬吳郡

晉書地理志吳郡統縣富陽桐廬建德壽昌

元和郡縣志吳

新昌晉太康

元年改壽昌

嚴陵志晉太康元年改郡曰新安改新定縣曰遂安

謹按晉新安郡統縣六而在今之嚴州府者惟始新遂安二縣宋南齊皆同

清類天文分野之書梁普通二年改壽昌屬新安郡

隋書地理志新安郡平陳廢為新安縣遂安桐廬廢

又廢建德入吳寧縣仁壽三年置睦州遂安桐廬

復

嚴陵志併壽昌入新安

謹按開皇中置歙州統休寧歙縣三縣仁壽中置睦州統新安遂安桐廬三縣于是二州之縣各有

分屬不復混雜矣

隋書地理志大業初改新安名雉山置遂安郡

隋書地理志遂安郡統縣雉山桐廬遂安

舊唐書地理志武德四年改為睦州領雉山遂安二

縣

太平寰宇記武德四年置分水縣復置建德縣

舊唐書地理志桐廬武德四年于縣置嚴州領桐廬

分水建德三縣七年廢州及分水建德二縣以桐

廬屬睦州

謹按武德七年又改為  
東睦州八年去東字

文獻通考睦州唐屬江南道

唐書地理志建德永淳二年復置雉山文明元年曰

新安壽昌永昌元年析雉山置戴初元年省分水  
如意元年復置更名武盛神龍元年復故名壽昌  
復置

太平寰宇記開元二十年改新安為還淳縣

通志地理畧開元十道圖睦州江南東道

清類天文分野之書天寶元年改新安郡乾元元年  
復為睦州

唐書地理志青溪水貞元年還淳更名

唐書方鎮表隸浙江東道節度

謹按開元二十一年睦州隸江南東道至是乃隸浙江東道節度又考唐書地理表貞元中浙江西

道觀察亦

領睦州

唐書地理志睦州新定郡上縣六建德青溪壽昌桐

廬分水遂安

清類天文分野之書光化三年錢氏以桐廬屬杭州

十國春秋吳越睦州領縣五建德壽昌遂安分水青

溪

宋史地理志太平興國二年桐廬來隸

文獻通考睦州為遂安軍節度

宋史地理志宣和元年升建德軍節度

清類天文分野之書宣和三年改睦州曰嚴州青溪

縣曰淳化

宋史地理志兩浙路嚴州

續文獻通考紹興中淳化縣始名淳安

文獻通考嚴州屬浙西路

宋史地理志建德軍咸淳元年升府縣六建德淳安  
桐廬分水遂安壽昌

元史地理志至元十三年改建德府安撫司十四年  
改建德路

元史地理志江浙等處行中書省為路建德

元史地理志江南浙西道肅政廉訪司建德路

元史地理志建德路上領縣六建德淳安遂安桐廬

分水壽昌

續文獻通考明初改建安府尋改嚴州府

明實錄移置浙江行省於嚴州

萬曆嚴州府志洪武八年罷中書省

明一統志浙江等處承宣布政使司領嚴州府

續文獻通考嚴州府領建德淳安桐廬遂安壽昌分

水六縣

國朝定為嚴州府屬浙江布政使司領縣六建德淳安

桐廬遂安壽昌分水

建德縣



通典漢富春縣地

太平寰宇記吳黃武四年分富春地置建德縣屬吳

郡

謹按晉宋  
齊並因之

清類天文分野之書梁分屬東陽郡

謹按通典梁陳置金華郡隋平陳置婺州大業初  
州省置東陽郡則建德在梁陳時當云屬金華郡

隋書地理志長山廢建德入改為吳寧縣

清類天文分野之書唐武德四年置建德屬嚴州

唐書地理志武德七年省入桐廬雉山永淳二年復

置

唐書地理志睦州新定郡建德

上

十國春秋吳越睦州領縣建德

宋史地理志建德府縣建德

望

元史地理志建德路領縣建德

中倚郭

舊浙江通志明建德縣屬建安府尋屬嚴州府

國朝建德縣屬嚴州府附郭編戶八十六里

淳安縣

舊唐書地理志漢歙縣地屬丹陽郡

謹按建安中孫氏以葉鄉為  
始新縣立新都郡于始新

清類天文分野之書 晉為新安郡

謹按宋齊梁  
陳並因之

嚴陵志隋開皇九年平陳廢郡為新安縣大業初改

曰雉山

隋書地理志遂安郡統縣雉山

舊唐書地理志文明元年復為新安開元二十年改  
還淳永貞元年避憲宗名改為青溪

唐書地理志睦州新定郡青溪

上

十國春秋吳越睦州領縣青溪

宋史地理志宣和初改淳化

嚴陵志平方臘改曰淳化

南渡後改

今名

宋史地理志建德府淳安

望

元史地理志建德路領縣淳安

中

舊浙江通志明淳安縣屬建安府尋屬嚴州府

國朝淳安縣屬嚴州府編戶六十一里

桐廬縣

元和郡縣志本漢富春縣之桐溪鄉

宋書州郡志吳分富春立桐廬

元和郡縣志黃武四年分置桐廬縣以居

桐溪地因名桐廬

晉書地理志吳郡統縣桐廬

宋書州郡志吳郡太守領桐廬

謹按齊梁  
陳並仍舊

名勝志隋開皇中併入錢唐

隋書地理志桐廬仁壽中復

謹按仁壽中桐廬屬睦  
州大業初屬遂安郡

舊唐書地理志武德四年於縣置嚴州七年廢州以

桐廬屬睦州

唐書地理志睦州新定郡桐廬

縣

嚴陵志光化三年錢鏐割縣隸杭州

十國春秋吳越西府杭州領縣桐廬

清類天文分野之書宋太平興國中仍屬睦州

宋史地理志建德府桐廬

上

元史地理志建德路領縣桐廬

中

舊浙江通志明桐廬縣屬建安府尋屬嚴州府

國朝桐廬縣屬嚴州府編戶五十三里

遂安縣

嚴陵志漢歙縣南鄉之地

元和郡縣志吳大帝使賀齊平黠歙縣之南鄉安定

里置新定縣

謹按吳屬

新都郡

宋書州郡志遂安晉太康元年更名

謹按晉宋齊梁

陳並屬新安郡

隋書地理志平陳廢仁壽中復

隋書地理志遂安郡統縣遂安

唐書地理志睦州新定郡遂安

上



十國春秋吳越睦州領縣遂安

宋史地理志建德府遂安

中

元史地理志建德路領縣遂安

下

舊浙江通志明遂安縣屬建安府尋屬嚴州府

國朝遂安縣屬嚴州府編戶六十四里

### 壽昌縣

元和郡縣志本漢富春縣地

宋書州郡志壽昌吳分富春立新昌縣晉太康元年

更名

謹按縣屬吳郡  
晉宋齊並因之

清類天文分野之書梁普通二年改屬新安郡

謹按陳  
仍梁舊

嚴陵志隋開皇九年廢新安郡併壽昌入新安縣

舊唐書地理志壽昌永昌元年分雉山縣置載初元  
年廢神龍元年復

唐書地理志睦州新定郡壽昌

上

十國春秋吳越睦州領縣壽昌

宋史地理志建德府壽昌

中

元史地理志建德路領縣壽昌

中

舊浙江通志明壽昌縣屬建安府尋屬嚴州府

國朝壽昌縣屬嚴州府編戶三十六里

### 分水縣

太平寰宇記本桐廬縣之西鄉

嚴陵志唐武德四年置嚴州治桐廬乃析桐廬七鄉

別為縣名分水蓋取桐江水中分之義

清類天文分野之書武德七年併入桐廬如意元年

復置改名武盛

舊唐書地理志神龍元年改為分水

唐書地理志寶應二年析置昭德縣大歷六年省

唐書地理志睦州新定郡分水

上

十國春秋吳越睦州領縣分水

宋史地理志建德府分水

中

元史地理志建德路領縣分水

中

舊浙江通志明分水縣屬建安府尋屬嚴州府

國朝分水縣屬嚴州府編戶一十八里

溫州府

通典春秋戰國並屬越

謹按楚滅越

後地屬于楚

史記東越列傳秦并天下以其地為閩中郡

史記東越列傳漢孝惠三年舉高帝時越功曰閩君

搖功多立為東海王都東甌

謹按元封元年入東越詔軍吏皆將其民徙處江淮間東越地遂虛

漢書地理志會稽郡回浦

十道志溫州永嘉郡會稽之東境

輿地志後漢光武改為章安縣

謹按回浦乃今奉化縣回浦鄉即寧海縣地在後漢為章安

太平寰宇記永和三年置永寧縣

謹按宋書州郡志一作永建四年立

資治通鑑吳屬臨海郡

宋書州郡志安固吳立曰羅陽改曰安陽晉太康元年更名

宋書州郡志橫陽晉太康四年以橫蕰船屯為始陽仍復故名

晉書地理志太寧元年分臨海立永嘉郡統永寧安固松陽橫陽四縣而揚州統永嘉郡

謹按永嘉置郡四縣屬于永嘉與臨海郡不復統攝矣又孝武帝置樂成縣則晉末永嘉郡當統永寧松陽安固橫陽樂成五縣

晉書地理志寧康二年分永嘉郡之永寧縣置樂成

縣

萬歷溫州府志宋孝建元年置東揚州統永嘉郡永  
光元年以東揚州併入揚州仍統永嘉等郡

宋書州郡志永嘉太守領縣五永寧安固松陽樂成

橫陽

謹按宋永嘉所領五縣在今之溫州府者永寧安  
固橫陽樂成四縣松陽則屬今之處州府又按南

齊永嘉郡所領  
五縣與宋同



梁書高祖紀普通五年分揚州置東揚州

萬歷溫州府志置東

揚州統永

嘉七郡

陳書文帝紀天嘉三年以永嘉八郡置東揚州

謹按永嘉郡統縣梁陳二書不志

地理難于詳考大畧與宋齊相同

萬歷溫州府志隋開皇九年平陳廢永嘉郡置處州

改永寧為永嘉省橫陽入安固十三年改處州為

枯州省安固樂成入永嘉統枯蒼永嘉松陽臨海

四縣

太平寰宇記大業復為永嘉郡

謹按隋時置郡于枯蒼即  
今處州非今之永嘉縣

唐書地理志永嘉武德五年以縣置東嘉州并析置  
永寧安固橫陽樂成四縣七年樂成省入永嘉貞  
觀元年州廢省橫陽永寧以永嘉安固隸枯州

唐書地理志溫州上元元年析枯州之永嘉安固置

圖經永嘉民李行撫詣闕請置州制以永嘉安固  
二縣置溫州其地自溫嶠山西民多火耕雖隆冬  
恒燠故名謹按今之溫州府地晉明帝以前屬今  
之台州府明帝以後與今之處州府或合或分自

唐上元置溫州乃自為  
一郡不復相統攝矣

文獻通考溫州唐屬江南道

唐書地理志載初元年復置樂成縣大足元年析安

固復置橫陽縣

通志地理畧開元十道圖溫州江南東道

舊唐書地理志天寶元年改為永嘉郡

太平寰宇記乾元元年復為溫州

唐書方鎮表隸  
浙江東道節度

唐書地理志溫州永嘉郡上縣四永嘉安固橫陽樂

成

十國春秋晉天福四年勅建溫州為靜海軍節度

十國春秋吳越溫州領縣四永嘉瑞安平陽樂清

謹按瑞安即安固縣平陽即橫陽縣樂清即樂成縣

宋史地理志太平興國三年降為軍

宋史地理志兩浙路溫州

宋史地理志政和七年升應道軍節度建炎三年罷

軍額

文獻通考溫州屬浙東路

宋史地理志瑞安府本溫州咸淳元年以度宗潛邸

升府

萬歷溫州府志時有禾異畝同  
類知州王亞夫以聞故升府

宋史地理志瑞安府縣四永嘉平陽瑞安樂清

元史地理志至元十三年瑞安府仍為溫州

元史地理志江浙等處行中書省為路溫州

元史地理志浙江海右道肅政廉訪司溫州路

元史成宗紀元貞元年陞平陽瑞安縣為州

元史地理志溫州路上領縣二永嘉樂清州二瑞安  
平陽

續文獻通考明改為溫州府洪武二年瑞安平陽復  
改為縣

明一統志浙江等處承宣布政使司領溫州府

明從信錄景泰三年立泰順縣

續文獻通考明溫州府領縣五永嘉樂清瑞安平陽

泰順

國朝定為溫州府屬浙江布政使司領縣五永嘉樂清

平陽瑞安泰順

永嘉縣

清類天文分野之書漢東甌地東海王都

後漢書郡國志永寧永和三年以章安縣東甌鄉為

縣

資治通鑑注會稽東部都尉治

萬歷溫州府志吳太平三年以東部都尉為臨海郡

永寧屬之

清類天文分野之書晉為永嘉郡治

宋書州郡志永嘉太守領永寧

謹按齊梁  
陳並仍舊

隋書地理志永嘉舊曰永寧置永嘉郡平陳郡廢縣  
改名焉

唐書地理志武德五年以縣置東嘉州并析置永寧  
縣

唐書地理志貞觀元年州廢省永寧以永嘉隸枯州



舊唐書地理志上元二年置溫州治於此縣

唐書地理志溫州永嘉郡永嘉

上

十國春秋吳越溫州領縣永嘉

宋史地理志瑞安府永嘉

緊

元史地理志溫州路領縣永嘉

上倚郭

舊浙江通志明永嘉縣屬溫州府

國朝永嘉縣屬溫州府附郭編戶二百八十四里

樂清縣

萬歷溫州府志 本東漢永寧縣地

宋書州郡志樂成晉寧康三年分永寧立

宋書州郡志永嘉太守領縣樂成

謹按齊梁

陳皆因之

萬歷溫州府志隋省入永嘉屬括州

唐書地理志武德五年析置樂成縣七年省入永嘉

舊唐書地理志載初元年分永嘉復置

唐書地理志溫州永嘉郡樂成

上

十國春秋吳越溫州領縣樂清

注避梁王父諱改

宋史地理志瑞安府樂清

上

元史地理志溫州路領縣樂清

下

舊浙江通志明樂清縣屬溫州府

國朝樂清縣屬溫州府編戶一百三十六里

平陽縣

太平寰宇記本永嘉安固之地

萬厯溫州府志晉太康初析橫蕓船屯置始陽縣尋

改曰橫陽

晉書地理志太寧元年立永嘉郡統橫陽縣

宋書州郡志永嘉太守領橫陽

謹按齊梁  
陳並因之

萬歷溫州府志隋省入安固

舊唐書地理志武德五年分安固縣置貞觀元年廢

大足元年復分安固置

唐書地理志溫州永嘉郡橫陽

上

十國春秋吳越武肅王時改平陽

邵縣釋名橫陽取橫與及橫陽江之

義後梁乾化間橫陽既平故曰平陽

十國春秋吳越溫州領縣平陽

宋史地理志瑞安府平陽

望

元史地理志溫州路領平陽州元貞元年升

下

舊浙江通志明復為平陽縣屬溫州府

國朝平陽縣屬溫州府編戶二百四十一里

瑞安縣

元和郡縣志本漢回浦縣地後漢改回浦為章安

方輿紀要三國吳析置羅陽縣寶鼎三年改曰安陽

晉太康初改曰安固屬臨海郡

太平寰宇記固境內安固山名

晉書地理志太寧元年立永嘉郡統安固縣

宋書州郡志永嘉太守領安固

謹按齊梁

陳並仍舊

萬歷溫州府志隋開皇十二年省入永嘉屬枯州

舊唐書地理志武德八年分水嘉縣置屬嘉州貞觀

元年廢嘉州安固屬枯州上元元年屬溫州

唐書地理志溫州永嘉郡安固

上

十國春秋吳越溫州領縣瑞安

注唐天復三年有白鳥棲縣之集雲閣武

肅王聞于朝  
詔改今名

宋史地理志瑞安府縣瑞安

縣

元史地理志溫州路領瑞安州元貞元年升

下

舊浙江通志明復為瑞安縣屬溫州府

國朝瑞安縣屬溫州府編戶一百三十八里

泰順縣

明一統志本瑞安平陽二縣地

萬歷溫州府志景泰二年割瑞安十二里平陽六里

立為縣以民心向化賜名泰順

明從信錄兵部侍郎孫原貞奏立

舊浙江通志明泰順縣屬溫州府

國朝泰順縣屬溫州府編戶一十八里

處州府

太平寰宇記古縉雲之墟



括蒼彙紀春秋戰國時屬越越亡入楚

太平寰宇記秦會稽郡地

謹按處州府秦會稽郡地太平寰宇記圖經清類分野書皆同明修一統志亦因之惟陸廣微志勝云秦屬閩中郡括蒼彙紀亦云秦始皇以其地為閩中郡考處州係臨海永嘉二郡分出台溫在秦時乃句踐之後廢其君長以其地置閩中郡者也當以屬閩中郡為是

太平御覽漢初為東甌地後為回浦縣

文獻通考漢屬會稽郡

清類天文分野之書後漢改為章安

括蒼彙紀松陽縣建安八年立

資治通鑑 吳大帝赤烏二年分太末立平昌縣

宋書州郡

志晉太康元年

更名遂昌縣

謹按松陽縣屬臨海

郡平昌縣屬東陽郡

晉書地理志 太寧元年分臨海立永嘉郡統永寧安

固松陽橫陽四縣而揚州統永嘉郡

謹按永嘉郡所統四縣惟松陽一縣乃今之處州府後雖增置樂成亦不與處州統屬也

括蒼彙紀 隋開皇九年廢二郡為縣分松陽之東鄉

置括蒼縣以括蒼松陽永嘉臨海四縣置處州十

二年改為括州

名勝志處士星見于分野置處州以州治在小括山之巔改名括州

文獻通考煬帝時復置永嘉郡

舊唐書地理志 武德四年平李子通置括州置總管  
府管松嘉台三州括州領括蒼麗水二縣八年廢  
松州為松陽縣來屬省麗水入括蒼遂昌併入松  
陽

舊唐書地理志貞觀元年廢都督府省嘉州以永嘉  
安固二縣來屬

文獻通考 梧州唐屬江南道

唐書地理志 縉雲聖歷元年析栢蒼及婺州之永康

置青田景雲二年析栢蒼置遂昌復置

通志地理畧 開元十道圖 栢州江南東道

舊唐書地理志 天寶元年改為縉雲郡乾元元年復

為栢州

唐書地理志 龍泉乾元二年析遂昌松陽置

太平寰宇記 大歷十四年改為處州

舊唐書地理志  
避德宗諱栢蒼

改為  
麗水

唐書方鎮表建中元年隸浙江東道觀察使

唐書地理志處州縉雲郡上縣六麗水松陽縉雲青  
田遂昌龍泉

十國春秋吳越處州領縣六麗水龍泉遂昌縉雲青

田白龍

謹按松陽錢氏初  
改長松又改白龍

宋史地理志兩浙路處州

宋史地理志慶元三年分龍泉松源鄉置慶元縣  
文獻通考處州屬浙東路

宋史地理志處州上縉雲郡軍事縣七麗水龍泉松  
陽遂昌縉雲青田慶元

元史地理志至元十三年立處州路總管府

元史地理志江浙等處行中書省為路處州

元史地理志浙東海右道肅政廉訪司處州路

元史地理志處州路上縣七麗水龍泉松陽遂昌青

田縉雲慶元

續文獻通考明改為處州府

明一統志浙江等處承宣布政使司領處州府

明從信錄景泰三年置宣平雲和景寧三縣

續文獻通考處州府領縣十麗水青田縉雲松陽遂

昌龍泉慶元雲和宣平景寧

國朝定為處州府屬浙江布政使司領縣十麗水青田

縉雲松陽遂昌龍泉慶元雲和宣平景寧



麗水縣

清類天文分野之書漢回浦縣地屬會稽郡

枯蒼彙紀後漢章安縣地

崇禎處州府志吳晉為松陽縣地屬臨海郡

謹按晉太寧中屬永嘉郡宋後並因之

名勝志隋開皇中分松陽之東界立枯蒼縣

隋書地理志永嘉郡統縣枯蒼

舊唐書地理志武德四年枯州領枯蒼麗水二縣八年



省麗水入枯蒼

舊唐書地理志大歷十四年改為麗水縣州所治

名勝

志唐大歷為避德宗諱與州並改以縣北七里有麗陽山故以麗水為名

唐書地理志處州縉雲郡麗水

上

十國春秋吳越處州領縣麗水

宋史地理志處州縣麗水

望

元史地理志處州路領縣麗水

中倚郭

舊浙江通志明麗水縣屬處州府

國朝麗水縣屬處州府附郭編戶一百十五里

青田縣

枯蒼彙紀隋枯蒼縣地

唐書地理志青田景雲二年析枯蒼置

名勝志分松陽枯蒼二縣

置永嘉記青田有草葉似竹染碧名為竹青此地所豐故名青田

唐書地理志處州縉雲郡青田

中

十國春秋吳越處州領縣青田

宋史地理志處州縣青田

中

元史地理志處州路領青田中

舊浙江通志明青田縣屬處州府

國朝青田縣屬處州府編戶一百四十六里

縉雲縣

舊唐書地理志萬歲登封元年分括蒼及婺州永康

縣置縉雲縣

括蒼景紀嗣聖初分金華永康及處州麗水餘地置縉雲縣以仙都有縉

雲山故名

謹按嗣聖中宗年號更十二年乃武后萬歲登封元年括蒼景紀與唐書互異當以舊唐書地理志

為正

唐書地理志處州縉雲郡縉雲

上

十國春秋吳越處州領縣縉雲

宋史地理志處州縣縉雲

上

元史地理志處州路領縣縉雲

中

舊浙江通志明縉雲縣屬處州府

國朝縉雲縣屬處州府編戶一百九十里

松陽縣

元和郡縣志本漢回浦縣之地屬會稽後漢分立此

縣

吳地記縣東南臨大溪有松樹大八十一圍腹中空可容三十人坐故取此為名括蒼景紀建

安八  
年立

崇禎處州府志吳太平二年隸臨海郡

晉書地理志臨海郡統縣松陽太寧元年立永嘉郡

統松陽縣

宋書州郡志永嘉太守領松陽

南齊書州郡志永嘉郡松陽

謹按梁陳隋  
並仍齊舊

枯蒼景紀唐武德三年改為松州

舊唐書地理志武德八年廢松州為松陽縣來屬

唐書地理志處州縉雲郡松陽

上

五代史職方考處州長松故曰松陽梁改曰長松

清類天文分野之書晉天福四年改為白龍縣

十國春秋注天

福四年早縣令陳時祈雨百仞  
山有白龍見以聞遂改為白龍

十國春秋吳越處州領縣白龍

崇禎處州府志宋咸平二年復為松陽縣

枯蒼景紀  
郡守楊億

請復

宋史地理志處州縣松陽

上

元史地理志處州路領松陽

中

舊浙江通志明松陽縣屬處州府

國朝松陽縣屬處州府編戶一百六里

遂昌縣

清類天文分野之書漢太末縣地



後漢書郡國志建安二十三年立遂昌縣

崇禎處州府志吳赤烏二年分置平昌縣屬東陽郡

宋書州郡志晉太康元年更名遂昌

謹按晉宋齊梁  
陳俱屬東陽郡

枯蒼彙紀隋屬處州

謹按隋書東陽永嘉二郡各統縣  
四並無遂昌縣則在隋時已省

資治通鑑注唐武德八年省入松陽

謹按隋省遂昌當是李子通擅置而唐  
初因之至武德八年復省入松陽耳



舊唐書地理志景雲二年分松陽縣復置

名勝志刺史孔琮奏

復置

唐書地理志處州縉雲郡遂昌

上

十國春秋吳越處州領縣遂昌

宋史地理志處州縣遂昌

上

元史地理志處州路領縣遂昌

中

舊浙江通志明遂昌縣屬處州府

國朝遂昌縣屬處州府編戶七十四里

龍泉縣

清類天文分野之書本松陽括蒼遂昌三縣地

舊唐書地理志乾元二年越州刺史獨孤嶼奏請于

括州龍泉鄉置縣以龍泉為名從之

名勝志括蒼黃鶴鎮有劍

池世傳歐冶子鑄劍于此號  
龍淵唐避高祖諱改曰龍泉

唐書地理志處州縉雲郡龍泉中

十國春秋吳越處州領縣龍泉

宋史地理志宣和三年改為劍川縣紹興元年復故

宋史地理志處州縣龍泉

望

元史地理志處州路領縣龍泉

中

舊浙江通志明龍泉縣屬處州府

國朝龍泉縣屬處州府編戶一百六十五里

慶元縣

輿地紀勝本龍泉縣之松源鄉

括蒼景紀本周七閩地為東平鄉五代王

審知改名松

源鎮屬龍泉

宋史地理志慶元三年分龍泉松源鄉置縣因以年

紀名

宋史地理志處州縣慶元

中

元史地理志處州路領縣慶元

中

崇禎處州府志明洪武三年革縣治為巡檢司十四  
年復建縣隸處州府

國朝慶元縣屬處州府編戶五十九里

雲和縣

明一統志本麗水縣地

名勝志景泰三年析麗水之浮雲元和二鄉置縣名

曰雲和

謹按明正統十二年土人葉宗留聚衆抄掠景泰  
年中事平兵部侍郎孫原貞奏立雲和宣平景寧

三縣

舊浙江通志明雲和縣屬處州府

國朝雲和縣屬處州府編戶五十九里

宣平縣

明一統志本麗水縣地

枯蒼集紀景泰三年以麗水宣慈等三鄉置宣平縣

隸處州府

名勝志以勦平宣寇  
為名治鰲山之南

國朝宣平縣屬處州府編戶六十里

景寧縣

明一統志本青田縣地

枯蒼集志景泰二年巡撫孫原貞以青田地廣奏析

僊上等三里為景寧縣隸處州府

國朝景寧縣屬處州府編戶六十六里

玉環

太平縣志玉環山在縣西南七十里楚門港中顧野  
王輿地志云樂清東南港有地肺山一名木榴山  
因避錢鏐諱改今名又云宋高宗南渡遺玉環於  
此故名

樂清縣志海去縣東南橫亘三百餘里東為白沙赤  
水蒲岐清江北轉至玉環而止海居縣東波濤洶  
湧海船至此必艤舟云

雍正五年十月浙江總督管巡撫事臣李衛為查

復浙洋玉環情形事宜仰祈

睿鑒事該臣等會看得普天率土莫非王民因時制宜

始為中道從前因海氛未靖畫疆遷界將向入版

圖之地方盡棄海外自

聖祖仁皇帝德威遠播海宇蕩平臺灣舟山盡入疆域昔

時遷界土田陸續招徠墾復我

皇上繼承鴻業文德武功超邁千古遠夷絕域莫不重



譯來朝欣欣向化復頌

諭旨招墾荒田以為窮民謀生之計至深且遠臣等忝任封疆宣布

德教未有於近在疆域之中而聽其獨抱向隅不為籌

畫者也先經

臣

等查得台州府屬太平縣及溫州

府屬樂清縣之間海濱不遠處所有一玉環山地

方遼濶自遷棄之後未曾展復無藉游民多潛其

中私墾田畝刮土煎鹽及網船漁人搭寮住居漸

次混雜雖經禁逐仍恐朝驅暮回即有巡兵亦恐  
通同容隱先曾會委溫處道僉事王斂福陞任鎮  
海營叅將呂瑞麟前往會同查勘詳覆前來臣即  
會同福建督臣高其倬駐劄寧波原任署提臣張  
溥查議得玉環山雖孤懸海面然由彼而之內地  
各有港口西則由烏洋進蒲岐所可至樂清縣地  
方西南則亦由烏洋直過黃華門進盤石口可至  
溫州府郡西北則由楚門所橫渡水面僅有里許

即登岸踰嶺直至太平縣城止五十餘里東南則有黃坎二門溫黃二鎮水師巡防出此則為大洋矣此山週圍約計七百餘里其中山畧多有寬平如砥土性肥饒可耕及各畧口有潮水浸灌成灘者尚可煎鹽且此地外臨大海內近溫台寔為海疆諸郡之屏障洋面往來之要區況有山可以瞭遠海盜不能掩其形有口可以防查洋匪難以潛其跡查各處水師聞有洋盜而不能即至救護者

多緣海潮退時船不能出及等潮漲賊已遠颺總  
由內地口岸遙遠賊艘風帆迅速追獲維艱職此  
故耳若設兵此山由黃坎二門出哨追賊則無遠  
莫能及之慮矣從前督撫諸臣非不見及於此而  
究未議作何保安者一則恐外來認墾之徒奸良  
難辨一則恐墾熟之日私米下海一則恐添設官  
員所費不貲故也臣等愚見以為墾戶若聽其四  
方紛雜而來寔難稽查方今生齒日繁即以浙地

溫台而觀良有人多地少之勢莫若就本處近地  
之人查明根柢由地方官取結給照往墾其他閩  
廣無藉之人槩不收錄則奸良不難分晰矣至所  
收米穀若慮出洋私賣莫若將所墾之田酌定科  
則輸納本色米穀所有餘米除留為日用之需外  
止許往溫郡樂清太平地方運賣必由口岸汛地  
稟明給照查驗放行並於黃坎二門隘口設汛嚴  
防顆粒不許入海則私賣之弊可除矣至于添設

金史卷八十八  
卷八  
文武之處

臣

等亦為熟籌查守禦之要先門戶而

後堂與玉環山寔海口門戶此處一設官兵則內地亦可以資藩籬其次不甚衝要處所官兵可以通融稍減就近酌量抽撥即有不足添亦無多文職設同知巡檢二員武職則酌調遊擊一員并守備千把等官水陸分防船隻于溫黃二鎮量為移撥所需俸餉無甚增設且賦稅所入及彼地深山樹木亦可抵俸工官署等用不致有糜費之處此

雖設官添兵不過調遣料理稍費人力原非大為  
更張等因於雍正四年十一月二十日定議未敢  
冒昧具

題今年新任提臣石雲倬到任復加商酌意見相同  
臣等誠恐地聯兩邑墾戶紛紜若無專管之員則  
彼此推諉牽制料理未周且新經開復必查本處  
地土出息以抵經費未可輕動

國家帑項再目前既有墾戶則巡查既不可少而將

來營伍汛防尤須勘明山海形勢以扼要衝正在  
選擇委調間適有保送引

見之桐廬縣知縣張坦熊奉

旨回任以緊要員缺補用

臣

等隨會委該員前往經管

清查即令署理太平縣印就近料理咨明吏部在  
案一面檄調樂清營副將王璉就近協同查勘撥  
兵巡查往來彈壓今已粗定規模臣等又復會同  
詳細商確并於原議斟酌損益謹將所擬各條臚



列陳明恭請

聖鑒一議得疆域正而後規制可定玉環地方週圍約有七百餘里峙立海中非內地土壤相錯者可比從前分屬台州之太平縣溫州之樂清縣各轄其半夫以隔洋之地而使兩縣遙制且有兩府分屬殊失其宜今雖志乘尚存兩縣都署名色而遷棄既久界址亦難畫分應專設一玉環同知管理毋庸再為分縣庶責成專而事權一至玉環既請展復

准墾而附近玉環之山畧尚多若不一併墾復徒為奸民私墾之資倘仍零星分轄難杜影射牽混之弊查楚門老岸南塘北塘以及芳杜東畧密溪洞林地方志載太平縣玉環鄉二十四五六都之界又磐石蒲岐等處地方志載樂清縣地界又三盤黃大畧狀元畧茅埏等處地方向年悉在玉環轄內與樂清六七都相近俱同玉環一時遷遣現有人民在內偷墾田地今請一併展復開墾盡歸

玉環同知管轄則疆域不致瓜分而草萊亦得墾  
闢矣一議得職掌定而後法令可行設官分職原  
當因地制宜臣等伏見雲南蒙化景東及新設之  
中甸威遠等處皆以同知管轄與內地專設知縣  
之處不同者蓋就其地方大勢而授以控制之權  
也玉環雖近內地而隔一海渡且地在台溫兩界  
之間又須設立營制知縣位卑權輕與叅遊體統  
不敵于隔屬呼應不靈故前條議以同知專管但

此地新請展復必須常川駐劄經理數年而後一切規制始定而台溫二府海防同知海洋俱係緊要且又有輪流押運及通省公事差委不能專一料理應另設溫台玉環清軍餉捕同知一員專管查給墾田督修塘壩徵收錢糧審理詞訟給放餉糈彈壓地方其通省別項公務免其差遣仍照雲南等處之例凡命盜事件即令該同知審辦臬司錢糧事件聽藩司考核本管道員盤查其地與溫

州郡城相近相應隸于溫屬有關涉玉環山事務者台溫二府屬縣俱聽該同知專行管理所有玉環居住墾民田地人戶俟安插既定之後將田地分立都畧照造鱗冊人戶查編保甲一體稽察再俟盈寧既慶教養並興若數年之後人文漸盛另請酌定令該同知考取童生送學臣考試量取數名附入溫州府學以示鼓舞在目前則地處山海之中稽巡防範更宜嚴密除衙役照各府同知衙

門數目設立外仍照州縣例設民壯五十名置備  
器械習練技藝看守倉庫監獄巡查緊要隘口再  
設巡檢一員弓兵三十五名以聽該同知差遣巡  
緝查樂清縣之嶺店驛地處僻壤實屬閒員請將  
嶺店驛丞裁改又遞送公文之舖兵必不可少應  
于太平樂清二縣各舖中每縣各酌量抽撥二名  
共設四名再該地應建倉廩又須設倉夫四名斗  
級四名以司其事則防範可以不疎而職掌亦有

專責矣一議得給墾清而後奸良不雜查展復玉  
環原為扼要據衝可扞邊海之門戶曠土閒田可  
資窮民之衣食耳若使外來閩廣無藉之人一例  
冒墾將來奸良雜處即生事端况耕田必須住居  
於此則安土重遷庶可久而成聚彼富豪勢力之  
家本土有田可耕有廬可居斷不肯挾妻子親戚  
舍舊圖新以實曠閒之地不過假立墾戶招僱工  
人代為力作若輩往來無常既不同於土著而墾

戶兼并營私反令無業窮民不得藉力耕以自給  
殊非廣土利民之意今臣等行令管墾之桐廬縣  
必查明實係太平樂清兩邑籍貫無過之人取具  
本縣族隣保結移送該縣給與印照計口授田一  
切闕廣游惰及曾有過犯者槩不准其保送又恐  
田多人少若限定二縣之民或致招徠不廣現在  
酌量如本省各府屬縣相近之處有願入籍開墾  
者照例於本地方官取結移送必須住居玉環編



入保甲毋許往來不常其外省遠處之人仍行禁止則戶口得實而藏奸無所矣一議得私米嚴而後接濟可絕米穀出洋臣等現在嚴行禁止實力堵禦玉環新墾海岸可通且黃坎二門逼臨大洋雖有官兵駐巡尤當加意防範查墾民終歲勤動糧稅衣食無非取給於米穀豈能禁其不賣莫若將所墾田糧照臺灣之例徵收本色完倉惟海濱潮濕米難久貯應照所定米額每米一斗折穀二

斗交倉收貯其餘多之米欲糶賣為日用之需者  
止許運往太平樂清二縣及溫州府城仍由口岸  
汛地稟明給執照沿途出入汛口照例掛號查驗  
並於黃坎二門嚴行巡查如有無照米船偷運出  
口者立即嚴拿照接濟盜賊之罪從重究治再查  
浙江尚有買補還漕米石每年俱委員領銀前赴  
隣省買回又有備貯各縣之穀出陳易新秋收仍  
須買補今玉環既有餘米應于買米款內每年酌

動銀兩給與該同知領回于秋收米穀廣出之時  
照依時價收買貯倉酌量由海撥運逐年推移循  
環不絕則可濟本省積貯之需更可與閩省緩急  
相通甚便而米穀既輸于官自無私販之弊矣一  
議得水利修而後墾闢可廣玉環山海交錯其中  
如楊畧正畧瑤畧三峽潭漁畧塘洋墩東青西青  
下灣沙畧蘆畧等處寬平如砥約可耕之田地三  
萬餘畝其餘琛浦青塘塘額後蛟大小普竹大小

麥嶺大小古順等處塗田及附近之楚門老岸玉環鄉地方約田四萬餘畝蒲岐磐石大荆等處亦約田三萬餘畝合之三盤黃大畧等處共約田地十餘萬畝但其中或近山磧或在海塗向來原有堤塘以為捍護因同時遷棄傾圯已久草萊荒蕪全資人力尤必仍建塘堤以捍其衝激則鹹潮不能入設陡閘以時其啟閉則靈雨不為災若能逐漸興修皆可成田以濟民食但採木購石飯食人

工為費不貲赴墾之民率皆無田窮人缺乏工本  
難以責其盡出已資臣等現在飭令設法招徠寬  
科則以舒其力籌經費以助其工俱於後條詳議  
聲明外其有墾戶缺少牛種籽粒及築塘建閘工  
本情願領帑承墾者酌量動支買穀銀兩借給秋  
收將所得米穀照價繳還統歸買穀數內銷算則  
灌溉有資而田疇可廣矣一議得地利盡而後經  
費可充舉事建功先籌經費必於

國家有益無損方為便官便民若因未墾之田土而  
先動現在之錢糧未為計之善也臣等以為玉環  
展復設汛置官則俸工役食衙署營房與夫城寨  
倉庫之建造塘壩堤岸之興修在在不能無費即  
同知一官俸銀無多糧既徵收本色又無火耗可  
收即議有每石官耗三升尚不足以抵存倉折耗  
之需應照雲南新設威遠同知之例今酌給每年  
養廉公費銀二千兩心紅紙劄賞賚等項銀六百

兩此等經費豈能盡出公帑而墾例初開即有十餘萬田畝亦非一時可以墾完者出入相較目前自多不敷查本地出息尚有可充公用者玉環各畧向年雖名為奉禁不開而利之所在羣趨如鶩多有潛至彼地搭蓋棚廠掛網採捕刮土煎鹽私相買賣偷漏課稅者每遇巡船往查或行賄買脫通同朦隱或一時驅逐潛復聚集弁兵既難保其盡不營私巡船亦勢難于周流不息今既設官專

管則此等盡當查出充公應請將漁戶逐廠挨查  
取具保結許其採捕循照定海計廠徵收塗稅之  
例酌分上中下三則每處設立官牙廠頭以司稽  
察所收稅銀查明數目造冊申報以備玉環各項  
公費之需仍通飭閩浙沿海州縣採捕漁船照例  
取結刊號填給牌照連踪彙幫赴玉環文武衙門  
查驗牌照填註採捕處所停泊汛口俟漁汛一畢  
合幫同返毋許逗留違者照例治罪至玉環既有



墾民并文武官兵駐劄則食鹽為必需之物查蹉  
法雖當配引行銷而溫台兩府各縣票鹽久有成  
額玉環係新開之地與舊日引額無關且孤懸海  
外斥鹵之區變幻靡常煎停不一所出僅供一隅  
之用不能遠資鄰封肩販非同內地場竈可以添  
廠添盤招商配引者可比應將煎鹽之戶取具親  
鄰族保甘結一體編入保甲著令并竈聚煎官收  
官賣止在本山賣與漁戶居民毋許販賣出境其

鹽本外所餘者亦查明數目造冊申報暫時留充  
公用除官兵原議抽調餉銀自有原數抵補并糧  
米即以所收田糧穀石給發毋庸另議外此數年  
中凡有前項所指玉環應用公務悉以玉環所收  
額糧及魚鹽等項出息儘數抵用漸次整頓逐年  
將出入之數造冊送部銷算俟一切完備後另照  
內地之例糧米魚稅編造全書歸入藩司項下充  
為本省兵餉

題銷鹽課亦歸鹽政項下充餉則以地方自有之利為

國家經費之助目前不煩公帑而日後咸為

正供矣一議得科則平而後賦額無虧查墾復荒蕪原與熟田有間故有認墾之後分別三年六年後方始陞科之例所以紓民力而示招徠也至玉環等處遷棄已久近山者沙石壅積近海者堤壩圯傾即居中平地之田蒿萊滿徑闢治需工更與內地

荒田不同但玉環現在設官分汛需用經費若照舊例遲至數年後陞科則目前數年費用從何而出臣等再四籌畫惟有將玉環地方田地詳加勘丈別其土性之肥磽墾工之難易分為上中下三則仍照前徵收本色之議上則田每畝征條丁米一斗六升中則田每畝征條丁米一斗二升下則田每畝征條丁米七升地每畝征條丁米三升山每畝征條丁米一升以二穀折為一米交納每石

另收官耗三升以備存倉黥折鼠耗之費其附近  
開墾之地除三盤黃大畧等處與玉環地土不遠  
應仍照玉環例分上中下三則征收外其楚門老  
岸及磐石蒲岐等地方土皆瘠薄且修壩疏河歲  
歲皆需人力稍有愆期則鹹潮往來便難耕蒔若  
與玉環一例定則勢難急公完清止可照依玉環  
所議之下則輸納庶能竭蹶完辦至於陞科完糧  
之期則槩令本年開墾本年起科庶可統濟玉環經

費之需除今年已墾田地飭令文明秋收照則繳收造冊彙報變價辦公外其餘隨墾隨報逐年造冊送部則民力易於輸將而經費有所從出矣一議得營制周而後巡防無誤設營立汛原以建威銷萌亦在據險扼要溫州水陸地方與閩省接壤故設鎮標三營及城守營之外又有瑞安樂清磐石大荆四大營以為犄角雍正元年前任福建督臣滿保又

題請將瑞安改為水師副將磐石改為水司叅將部  
議准行在案查樂清大荆磐石俱在內地而玉環  
包乎其外屹峙海中從前棄而不守故不得不以  
內地三營為門戶今玉環既請展復實為三營之  
外障當溫郡之藩籬應請設立玉環營叅將一員  
守備二員千總二員把總四員兵九百名分為左  
右二營以左營為陸路右營為水師使水陸兼防  
庶扞禦有賴但玉環與磐石近且磐石雖改水師

而所轄洋汎東西南北僅及百里今已應歸玉環  
則磐石一營不但無水師之責即陸路既有外蔽  
亦居次衝若仍循舊制復設重兵實為虛糜糧餉  
請將磐石水師叅將一員裁去同守備一員千總  
一員把總四員兵五百五十名移調玉環營再于  
內地之樂清營抽兵一百名大荆營抽兵一百名  
歸于玉環外尚少兵一百五十名查太平營之東  
畧現分撥千總一員兵一百十九名駐劄防守但



東舉原係玉環鄉之二十五都向日玉環遷遣楚門一帶地方同時廢棄所以於東舉地方設立弁兵防守今玉環鄉之二十四五六都與原轄之楚門老岸一帶田畝業經一體展復其東舉即在玉環鄉之內既有楚門以為外扞請將東舉千總一員兵一百一十九名移調玉環營酌量派撥分防又溫州城守營與鎮標同駐郡城尚可抽出兵三十一名歸入玉環以足九百名之數玉環既設

營其從前分隸黃磐兩營防守之陸路今應盡歸  
玉環管轄其水汛除磐石原管洋面仍歸玉環外  
再有附近玉環舊隸黃標右營巡防之女兒洞乾  
江衝擔嶼沙頭長嶼洋嶼及外洋之披山大厓小  
厓前山等洋汛俱應就近歸玉環營管轄以沙頭  
長嶼洋嶼東北洋面為黃鎮右營汛地西南洋面  
為玉環營汛地其外洋則以洞正屬之黃標披山  
屬之玉環為界尚少守備一員通省無可抽調應

請添設再玉環雖分水陸與鎮海磐石瑞安等營  
之水陸兼司者事同一例但地方週圍七百餘里  
幾與定海相等應查照定鎮標之例于左營量設  
馬三十五匹即以樂清大荆太平溫城守四營所  
抽三百五十名之兵內照依馬一步九之例抽馬  
三十五匹歸於玉環毋庸另請添設仍將額兵分  
別馬一步九戰三守七抽調以符通省兵制其所  
需戰船即將磐石營原管船八隻全數撥赴玉環

照例將備輪巡內唬船一隻平底布帆不能涉歷  
大洋俟屆造年分另行

題明改造沿邊哨巡小船十二隻將原給部價以為  
所需工費倘有不敷令承辦之溫處道在于玉環  
糧稅出息銀兩內支取添補開銷其磐石營應仍  
改為陸路但外有玉環障蔽毋庸再設叅遊大員  
兵數亦當酌減請設都司一員千總一員把總二  
員兵三百名防守但該營守備千把兵丁已請移

調玉環止留千總一員兵二百七名在營尚缺都司一員把總二員兵九十三名今查有台協撥防太平之金清洋嶼二汛兵丁現議撥歸太湖營此二汛有撤回千把二員內將把總一員撥入磐石其餘官兵在近地俱係水陸要衝難以抽撥惟衢協三營除分防外其在郡城者副將之下尚有都司二員守備二員千總二員把總八員兵八百五十七名原係陸路應將該協右營都司裁去改為

磐石都司并于右營存城之內抽調把總一員兵  
九十三名撥入磐石合原兵二百七名共三百名  
駐防磐石黃華關歧頭以內港水陸汛地責歸駐  
防都司防範照舊日營制仍歸樂清營管轄其新  
設玉環營應附近亦歸溫鎮統轄再磐石原係陸  
路設有馬匹自改為水師裁馬七十三匹今仍為  
陸路所有留兵三百名應于原裁馬數內復額三  
十匹以資馳驅則內外之形勝皆有扼守而水陸

之巡防亦無疎悞矣再王環孤懸海外其帑設文  
武較之各海防同知與沿海縣營等缺尤為緊要  
且新復之後規模初定必須常得廉幹之員辦理  
方克有濟如三年內兵民相安招徠日盛開墾漸  
增一應事宜實能著有成效臣等會同保

題聽部議叙即為分別陞用如不盡心整頓嚴加叅  
處仍請各頒給關防印信以崇職守嗣後同知叅  
將守備等官缺出于通省同知通判州縣叅遊等

官內揀選

題補其巡檢千把咨部擇調以上各條臣等知識淺陋未能有當是否可行伏祈

聖明指示臣謹會同督臣高其倬提臣石雲倬護理浙江觀風整俗使杭嘉湖道叅議臣徐鼎合詞具

題伏乞

皇上勅部議覆施行奉

旨該部議奏隨經戶部以應如所請議覆奉



旨依議

浙江通志卷八

欽定四庫全書

浙江通志卷九

山川一

自九土既敷而高山大川以奠周秦而上吳越介  
在荒服然會稽雄鎮於南具區匯流於北皆為禹  
轍所經其間千巖萬壑競秀爭流乾坤奇偉清淑  
之氣薈萃於斯於以降賢哲出雲雨表畛域阜財  
用凡穀列於浙水東西者可按籍而稽焉志山川

杭州府

錢塘仁和  
二縣附郭

吳山 名勝志在府城內之南春秋時為吳南界以

別於越故曰吳山或曰以伍子胥訛伍為吳故郡

志又稱胥山凡城南隅諸山蔓衍相屬總曰吳山

西湖游覽志奇峯危峰澄湖靚壑江介海門回環  
拱固扶輿淑麗之氣鍾焉是以邑居叢集殆十餘

萬家聲甲震宇恢然一大都會也陳允平吳山雪  
霽詩九天宮闕春風滿陸地樓臺夜月寒鐵笛一

聲吹雁落片雲不到玉闌干楊載同平章庫庫子  
山吳山晚眺詩山椒輦構四垂寬上相旌旗會覽

觀旁近江湖天廣大上連星斗地清寒龍宮永鎖  
函書闕鳳嶺重嗟苑樹殘此際獨無雲蔽日正宜

翹首望長安朱彝尊吳山望浙江詩一峯高出萬  
松寒登道虛疑十八盤近海魚龍吹宿霧中天日  
月轉浮瀾風帆岸壓明珠船仙樹花濃白  
石壇舊是錦衣行樂地江山真作霸圖看

金地山 咸淳臨安志在城隍廟南

寶月山 成化杭州府志在布政司對巷東接吳山與  
蛾眉山並列

石佛山 西湖游覽志西聯寶山南面瑞石舊有大  
乘石佛寺宋大中祥符間改名積善海會寺

寶蓮山 方輿勝覽在吳山之北

寶山 萬歷杭州府志在吳山之西南東接石佛山

蘇軾同秦仲二子雨中游寶山詩平明已報百吏散半日來陪二子閑立鶴低昂烟雨裡行人出沒

樹林

間

七寶山 西湖游覽志在白馬廟巷之西三茅觀在

其東北

瑞石山 萬歷杭州府志在寶山南上有紫陽菴中

有瑞石泉橐駝峯此山秀石玲瓏巖竇窳窳湖山

奧區罕與倫比

薩天錫游吳山駝峯紫陽洞詩天風吹我登駝峯大山小山石玲瓏

赤霞日射紫瑤白露夜滴青芙蓉飄飄雲氣穿  
石屋石上涼風吹紫竹挂冠何日賦歸來煮石篝  
燈洞中宿

蛾眉山 成化杭州府志在布政司南東接吳山其  
側有八眼井

淺山 成化杭州府志在蛾眉山前其側有漾沙坑  
竹園山 成化杭州府志在吳山西相接一脉獨趨  
而北隱隱隆起陰陽家謂為府治之主山宋臨安  
尹趙與憲建閣其上扁曰竹山

清平山 成化杭州府志在吳山南鳳山門之北

雲居山 舊浙江通志在城西南上有雲居寺面聖

湖接楓嶺頗稱佳境

虎林山

一名武林山

名勝志在武林門內一里而近高

可三丈舊名祖山

楊正質虎林山記錢氏有國時山在城外異虎出焉故名虎林

音訛為武葉紹翁四朝聞見錄謂虎林即靈隱山因避唐諱改為武林者非漢志明載武林山為武林水所出安有避唐諱之說虎林武林原有二山未可混為一也

紫坊嶺 萬歷杭州府志在豐寧坊漾沙坑側平為



民居不存

駱駝嶺 萬歷杭州府志在馨如坊三茅觀之麓

鐵冶嶺 萬歷杭州府志在豐寧坊七寶山之西

青衣洞 成化杭州府志在吳山重陽菴後故老相

傳昔人至洞口有青衣童子問之不應良久入洞

逐之不見但聞風雨之聲毛髮悚慄而出有青衣

泉

西湖游覽志泉浙浙出石隙清鑒毛髮山頂巨石墜下有石承之若餌飮然前有石門上橫石

梁壁間皆細字水波文宋慶元間韓侂胄賜第寶蓮山下建閣古堂砌瑪瑙石為池引泉注之名閱

古泉

紫陽洞 成化杭州府志在橐駝峯之側前有紫陽

菴

張寧游紫陽洞詩石級清懸絕薜蘿洞門深敞野人過霜林葉盡羣峰出風岫烟開夕照多誰

躡白雲尋鶴蛻自摩蒼壁寫樵歌登臨日少歸期促白髮青山奈老何

湧金池

萬歷杭州府志在今湧金門內吳越錢氏

時守將曹杲引西湖水為池吳越王元瓘刻石識

其旁

楊蟠湧金池詩湧金春色晚吹落碧桃花一片何人得流經十萬家

白龜池

嘉靖仁和縣志在錢塘門裡舊錢塘泊側

此水不堪汲飲止資洗濯

仁和倉池 成化杭州府志在倉之南相傳仁和倉舊為縣基乃吳公子慶忌故居古有此池

白洋池 成化杭州府志在梅家橋東周三里宋淳祐丁未夏旱湖水涸人爭汲此水至有以舟載賣如湖水者一方賴之

謹按白洋池一名南湖宋時張鑑功甫構園亭其上號曰桂隱後捨為廣壽慧雲寺俗呼張家寺寺碑有鑑捨宅發願文云秀踞南湖之上幽當北郭之鄰是也

大河 成化杭州府志舊為鹽橋運河南自錦雲橋而北至通江橋與保安水門橋之河合又北過新定橋稍西與鍾公橋小河合又北至梅家橋合西河小河出武林水門又西一派葛家橋由天水院橋出武林水門

小河 杭州府志舊為市河東自鍾公橋西轉北由灌肺橋直至仁和倉橋之北轉東與梅家橋合出武林水門又一派自觀橋而西合清湖河北出武

林水門

西河 成化杭州府志舊為清湖河西南自府前宣  
化橋東至戒子橋閘兒頭轉北至轉運橋與湧金  
門河合流東與西斷河合北合曲阜橋河至結縛  
橋東由衆安橋與小河合出武林水門又一派自  
八字橋西清湖橋下分派西行轉北至紀家橋車  
橋達便橋出武林水門

東運河 成化杭州府志舊為菜市橋自東斷河頭

至章家橋北抵壩子橋出艮山水門與城外河合

舊在城外  
今在城內

吳山井 咸淳臨安志在吳山北錢氏時韶國師始

開此井品其水味為錢塘第一淳祐丁未大旱城

中諸水皆涸獨此井日下萬綆如常都人神之趙

安撫與憲奏立祠以旌異之又為亭覆井上

成化  
杭州

府志洪武七年浙江參政立石表刻吳山第一泉  
五字紀宋遺事於石表之陰復建亭井上屢燬里

人隨復以惠  
利在人深也

相國井 萬歷杭州府志在甘泉坊側今井亭橋者是也井上覆亭因以名橋

西井 萬歷杭州府志在舊安國羅漢寺今鄴侯李泌祠前者是也水口今為城基以井在相國寺西故名

方井 萬歷杭州府志俗呼四眼井舊富藏庫西水口在舊玉蓮堂北

金牛井 萬歷杭州府志即金牛池久廢

小方井

萬歷杭州府志俗呼六眼井在錢塘門內

水口在菩提寺前今為城基

謹按以上六井唐刺史李泌所鑿白龜池亦其一也

錢塘縣

城外山川

巨石山 萬歷杭州府志在西湖北磊砢巒岫負郭

挺立高六十三丈周一十三里上有石甌山巍然

如甌浮圖七層高出雲表曰保叔塔以僧保所建

也杭州府志一名寶石山山之勝曰石屏風獅子



峯屯霞石下為寶稷山山下有乳泉佛足泉絕頂  
為寶峯

霍山 成化杭州府志在寶石山北於湖北諸山最  
小山形多骨石笋鱗起瀕湖諸山至此為斷壤矣

孤山 咸淳臨安志在湖中稍西一嶼聳立旁無聯

附為湖山勝絕處

林逋孤山寫望詩水墨屏風狀  
總非作詩除是謝元暉溪橋泉

裊穿黃落樵斧丁丁斫翠微返照未沉僧獨往長  
烟如淡鳥橫飛南峰有客鋤園罷閒倚籬間忘却  
歸張雨孤山晚步詩瑪瑙坡前立荒陂接蒨田試  
從樵子徑往覓僕夫泉衆草寒猶短羣峯晚更妍

誰歟結真隱  
共老太平年

石佛山 萬歷杭州府志即秦始皇纜船石咸淳臨  
安志相傳始皇東遊艤舟於此俗呼西石頭北關  
僧思淨刻大石佛因名舊傳西湖本通海東至沙  
河塘向南一岸皆大江也故始皇纜舟於此

仙姑山 咸淳臨安志在東山街西湖游覽志仙姑  
山之西東山街口

可通古蕩西溪靈隱山脈至此  
少斷若伏而連其旁有桃花街

集慶山 萬歷杭州府志在仙姑之西南山前折而

南曰飛來峯曰上中下三竺三面阻山中路直闢  
若函谷然長松夾道唐刺史袁仁敬守杭植松以  
達靈竺凡九里

武林山

即靈隱山

漢書地理志錢塘西部都尉治武林

山武林水所出東入海行八百三十里

晏公類要  
十三州記

曰錢塘武林山  
泉錢源出焉

太平寰宇記靈隱山在縣西十五

里許由葛洪皆隱此山萬歷杭州府志亦曰靈苑  
曰仙居曰武林俗稱西山其山起歛出睦跨富春

控餘杭蜿蜒數百里結局於錢塘如引兩臂其南  
澗之源出自白雲峯北澗之源出自西溪峰東注  
經合澗橋又東二里過行春橋出靈隱浦入西湖  
謂之錢源

雲巖漫鈔靈隱寺東西漢二水東曰龍溪橫過寺前冷泉亭在其上西曰錢源

二水合出橫坑橋方干登靈隱寺後峯詩絕頂無煩暑登臨三伏中深蘿難透日喬木更含風山疊雲霞際川傾世界東那知前夕興不與古人同葛天民西湖泛舟入靈隱山詩晴嵐漠漠水溶溶落葉遮船翠蓋重秋色盡為漁者占山光多向道人濃雲連合抱前村樹磬繞飛來小朶峯送罷夕陽迎素月樓臺高下自鳴鐘

粟山 太平寰宇記在縣西十七里山下有石杵闕  
二丈長一丈四尺吳大帝刻為黃武二年歲在戊  
午八月三日十二字微茫尚存太平御覽吳地記

云一名新石頭山上有城下有飛泉

成化杭州府志山高六十

二丈周回  
十八里

南屏山 咸淳臨安志在興教寺後怪石聳秀中穿

一洞上有石壁若屏障然刻司馬溫公所書家人  
卦樂記禮樂不可斯須去身中庸道不遠人各一

章

兩湖廣說杭有南屏山流俗相傳淨慈寺後山為是余考武林舊事及西湖百咏集皆謂在淨

慈寺右興教寺之後其山正對蘓隄與俗傳甚戾心甚疑之已丑春客謂淨慈有支院請游馬直抵

山麓石壁離立試一登眺則司馬溫公隸書家卦米元章大書琴臺皆在焉乃知其地即興教遺

址山乃南屏也識之以祛羣疑僧祖銘南屏雨中詩五月雨聲連六月南屏雲氣擁柴扉林密有穴

山精出巖谷無人石燕飛詩句偶從行處得家鄉多在夢中歸晚來杖策湖頭去春水溶溶沒釣磯

王守仁春日南屏山詩溪風漠漠南屏路春服初成病眼開花竹日新僧已老湖山如舊我重來層

樓雨急青林迥古殿雲晴碧嶂迴獨有幽禽鮮相信雙飛時下讀書臺孫一元卜居南屏山詩道人

占斷南屏景十里青山帶郭斜對水柴門通鶴渚隔林烟火是漁家岳頭老檜占風雨石上菖陽開

歲華旌點太平還著  
我樓龔桐帽送生涯

花家山

咸淳臨安志在大麥嶺後一名蛇山

仇遠  
蛇山

詩閒尋石澗到雲扉樹影生涼怯  
亭衣靜碧軒窗  
聊寄傲軟紅塵土竟忘歸滿傾竹  
葉春霞滑輕摘  
蕉花曉露稀禪意法乘俱  
莫問且談舊事共依依

丁家山 錢塘縣志瀕湖水影山光上下相接

赤山 名勝志在太子灣西殿土赤埴故名

玉岑山 杭州府志在石屋嶺左夢梁錄一峰聳出

衆山繚繞古木列垂森翠難描

徐集孫玉岑詩一  
抹斜陽挂淺林細

聽山鳥說春心千年古寺  
多奇迹讀了豐碑看玉岑

雞籠山 咸淳臨安志在龍井風篁嶺側高而圓若

鷄籠然

靈石山 咸淳臨安志一名積慶山在西山放馬場

側山石嘗見光怪故名

郭祥正靈石山詩靈石山前路山深寺更深不知明

月去空惜  
白雲沉

大慈山 名勝志在縣西南十里有虎跑泉

龍山 成化杭州府志在城南十里一名卧龍山



包家山 咸淳臨安志 在城南

秦望山 晏公類要在縣南秦始皇東遊登此山欲

度會稽

咸淳臨安志在縣南一十二里高一百六十丈周回百步後唐同光中錢氏于秦望建

上清宮有巨石二十餘株自然成行名金洞門有羅剎石在山之東南橫截江濤商船海舶經此多為風浪掀覆因呼為羅剎五代開平中為潮沙漲沒薛據登秦望山詩南登秦望山極目大海空朝陽半蕩漾晃若天水紅溪壑爭噴薄江湖遶交通而多漁商客不悟歲月窮振鐺迎早潮弭棹候長風余本萍泛者乘流任西東茫茫天際帆樓泊何時同將尋會稽跡從此訪任公

五雲山 萬歷杭州府志在縣治西南二十里高千

丈周回十五里山半有伏虎亭梯以石城以便往

來至巔平岡名月輪山江三折當其前有天井二

大旱不竭

錢惟善登五雲山詩普覺遺衣久不傳五雲山色尚蒼然斷崖蘿薜三千丈喬

木風霜四百年龍井雨深泉獨厚漁村潮上月初圓寶坊金碧紅塵聚何似茲山更絕緣

定山 萬歷杭州府志一名獅子山在縣治東南四

十里水經注錢塘縣東有定已

疑作邑

諸山皆西臨

浙江水流於兩山之間江水急迅兼濤水晝夜再來至二月八月最高峨峨二丈有餘吳越春秋以

為子胥文種之神也上有可避濤處行者賴之云

是海神婦家

太平寰宇記定山突出浙江數百丈郡國志云江濤至是輒抑過此便雷

吼霆怒沈約定山早發詩夙齡愛遠壑晚洩見奇山標峯彩虹外置嶺白雲間傾壁忽斜豎絕頂復孤圓歸海流漫漫出浦水濺濺野棠開未落山櫻發欲然忘歸屬蘭杜懷祿寄芳荃眷言采三秀徘徊望九仙

浮山 方輿勝覽在縣東南四十里蘓子瞻奏狀云

潮水東來勢若雷霆而浮山峙於江中犬牙錯入

以亂潮水

廟山 成化杭州府志在縣西南去城十五里突出  
江心潮勢至此方殺

秦亭山 萬厯杭州府志在縣治西北二十里高百  
丈周三里

謹按近人于青枝塢掘地得唐于府君墓志銘乃  
貞元中人其銘有云大麓高岡新亭之陽杭志無  
新亭山而青枝塢正當秦亭之南則秦亭唐時固  
名新亭矣田汝成西湖志亦云秦亭俗又名蜻蛚  
蓋字以音訛非俗  
稱也附此備考

石壁山 龍駒山 法華山 成化杭州府志並在

欽賢鄉東抵西堰橋西與羣山連接

鄭公興山 萬厯杭州府志在縣治西北三十五里  
高四百丈周回五里本靈鷲支山為鄭姓者所得  
故名

龍門山 成化杭州府志在西溪高峻上有龍池寺  
荆山 杭州府志在縣治西北四十五里高二百丈  
周回五里

焦山 萬厯杭州府志在縣治西南四十里高一千

二百丈周回二十里境中諸山惟茲最高

羅帶山 萬歷杭州府志在縣治西南七十里主山高百丈周回二十里左右羣峯迤邐環繞若羅帶然

觀山 萬歷杭州府志在縣治西南四十五里高七十丈周回六里

黃梅山 杭州府志在縣治西南五十里高八百丈周回十里

白巖山 萬歷杭州府志在縣治西南五十里高九  
百二十丈周四十五里

瓜藤山 萬歷杭州府志在白巖東迤邐而來羣峰  
起伏勢若瓜藤高四十五丈

西山 萬歷杭州府志在縣治西南六十里高七百  
丈周四十二里

九里暗山 萬歷杭州府志在縣治西六十里高百  
丈周四十二里

唐墓山 成化杭州府志在孝女南鄉高十五丈周  
八里唐馮孝女墓在焉

黃杜山 了頭山 茆山 篠山 楊梅山 咸淳  
臨安志在崇化鄉第七都衆山連接高一百五十  
丈周三十五里

界石山 元和郡縣志在州西南四十九里

謹按唐沈仲昌狀江南詩云雷是樟亭浪苔  
為界石錢即此山也今迷其舊名莫定何處

大遮山 烏尖山 成化杭州府志並在縣西北孝



女北鄉高三百丈

西塢山 萬厯杭州府志在縣治西南六十里高二  
百丈周回二十里

神山 萬厯杭州府志在縣治西南六十里高四百  
丈周回四里

石和尚山 萬厯杭州府志在縣治西南六十五里  
高六百丈周回十里山巔巨石如僧伽狀故名

方山 成化杭州府志在縣西北崇化鄉高三十丈

大雄山 萬厯杭州府志在縣治北五十里高千丈  
周回八里有大雄寺白龍潭在焉

金山 萬厯杭州府志在縣北孝女鄉高千丈周回  
四里

密山 萬厯杭州府志在縣治北七十里形如覆掌  
密屋繞山西半里即餘杭界

萬松山 成化杭州府志在安溪北鄉與鳳泉山連  
有石門嶺在山上過此即武康界故又名界山

烏石峰 萬歷杭州府志在瑪瑙山後下有石洞高

二丈即紫雲洞也

巾子峰 萬歷杭州府志在壽星石後形如巾幘

飛來峰 咸淳臨安志晉咸和元年西天僧慧理登

茲山歎曰此是中天竺國靈鷲山之小嶺不知何年

飛來佛在世日多為仙靈所隱今此亦復爾邪因

挂錫造靈隱寺號其峰曰飛來

西湖游覽志界乎靈隱天竺兩山之

間蓋支龍之秀演者高不踰數十丈而怪石森立  
青蒼玉削衡從偃仰益玩益奇上多異木不假土

壤根生石外矯若龍蛇丹葩翠蕤蒙羃聯絡冬夏  
常青林景熙飛來岑詩何年移竺國秀色發稜層  
清極不知夏虛中欲悟僧樹幽嵐氣重泉落乳花  
凝猶憶烹茶處閑來話葛藤火鑑飛來岑詩文圖  
山澤游苦為風雨款驚雷破重陰及晨光已顯遠  
迤入幽深鴈揭渡清淺靈山傳飛來合澗互回轉  
蘿垂手可捫松高蓋惟偃陽厓丹霞凝陰洞蒼雪  
滿秀色如可攬絕巘竟誰機衆竅因風號羣芳遲  
春行追念平生歡歷歷猶在眼匪無新相知已少  
舊遊伴老僧久見招相攜集閒館解衣任盤礴覽  
物適蕭散形忘慮則消情至心  
莫展寄言同懷人對酒歌勿緩

國朝康熙三十八年

聖祖仁皇帝南巡幸雲林寺

御書飛來峯三字勒石

御製再過鷲峯七言詩一首

恭紀  
首卷

卓筆峰

一名石  
笋峰

咸淳臨安志在靈隱無垢院有石

筍形如卓筆

白猿峰 成化杭州府志西僧慧理蓄白猿於此峯

靈鷲峰 成化杭州府志在下天竺寺後

稽留峰 杭州府志在下天竺寺西太平寰宇記許

由葛洪皆隱此山忘返因號稽留

名勝志稽留峰  
者相傳堯時許

由隱居茲山遂名許由峯訛為稽留水經注云昔有道士入此不返因以稽留為山號未嘗顧指許也

月桂峯 成化杭州府志在下天竺寺前天聖中天

降靈實于此山狀如珠璣識者曰此月中桂子也

蓮花峰 成化杭州府志在下天竺寺西峯頂水經

注靈隱山有孤石可四十圍頂上開散狀似蓮花

北高峯 錢塘縣志在郡城西北十三里石磴數百

級曲折三十六灣羣山拱立雲光倒垂望長江如

匹練上有塔唐天寶間建咸淳中止存三級

郭祥正北

高峯詩翠出諸峯上湖邊正北看夜深雲霧散獨  
挂斗杓寒鄧林登北高峯詩捫蘿百折上嶙峋世  
界仙凡到此分小朶岳蓮來異域孤撐天柱入層  
雲江湖俯看杯中瀉鍾磬迴從地底聞偕問須彌  
在何處老僧  
畱客且論文

慧日峯 咸淳臨安志在淨慈寺後有慧日閣

雷峰 名勝志在淨慈寺前昔有雷就者居之故名

穹窿迴映亦名中峰

林逋中峯詩中峯一徑分盤折上幽雲夕照前村見秋濤

隔岸聞長松標古翠衰藥動微薰自愛蘇門嘯懷賢事不羣

南高峰 西湖游覽志在南北諸峯之界羊腸詰屈

松篁蔥蒨塔居峰頂晉天福間建宋崇寧乾道兩

度崇修元季燬舊七級今存五級

王世貞游南高峰詩從游指點

南高峰勝躡屬攀蘿興不賒畫裡餘杭人賣酒鏡中湖曲榷穿花千巖半出分秋雨一徑微明逗晚霞

最是夜歸幽絕處  
疎林燈火傍漁家

虎頭巖 咸淳臨安志 在錢塘門外界於寶嚴定業

二寺後山巖石突出如虎頭故名吳越王納土後

望氣者云杭州西湖有虎頭山形勝命鑿之



青林巖 咸淳臨安志 顧夷吾山川記曰靈隱山有

青林巖其上皆檣桂凌冬不凋故其林常青

郭祥正

林巖詩青帝留行跡巖前春不歸儘從霜與雪君看碧依依

理公巖 咸淳臨安志 在天竺山靈鷲院之右陸羽

記云昔慧理宴息于下後有僧於巖上周回鑄小

羅漢佛菩薩像

玉女巖 咸淳臨安志 在靈隱山南一石似人形兩

髻分明俗謂之女兒山

佛手巖 萬歷杭州府志在烟霞洞上奇石玲瓏下垂其尤異者有石筍五支如手節下指故名其旁多宋人留題

落石巖 萬歷杭州府志在佛手巖右狀如星隕故名其下兩石壁立夾持如含珠然

葛嶺 咸淳臨安志在西湖之西葛仙翁煉丹於此棲霞嶺 萬歷杭州府志在葛嶺西嶺上桃開時爛燦如霞有水一道名桃溪

石人嶺 咸淳臨安志 在靈隱寺西極高峻有石人  
卧路旁故名

黃泥嶺 萬歷杭州府志 在行春橋水竹塢南

大小二麥嶺 舊浙江通志 在西山界乎南北二山  
之間舊多種麥因名

駝巘嶺 咸淳臨安志 在九里松之東乾道志作駝  
苑嶺 西湖游覽志今  
俗稱桃源嶺

臙脂嶺 咸淳臨安志 在九里松翹院路之西土色

獨紅因名

郎當嶺 咸淳臨安志 在大青嶺之南

風篁嶺 咸淳臨安志 路通龍井嶺最高峻修篁怪

石風韻蕭爽因名

朱彝尊風篁嶺詩斷崖橫一嶺  
穉竹何娟娟時有山禽拂新粉

墮我前欲尋崖下  
寺揮我風中絃

八蟠嶺 萬歷杭州府志在大麥嶺後

慈雲嶺 萬歷杭州府志在方家峪

郭祥正慈雲嶺  
詩峻極分南北

見湖仍見江游人倦  
登陟飛鳥自雙雙

梯雲嶺 萬歷杭州府志在慈雲嶺之西

樵歌嶺 萬歷杭州府志在大慈山塢

五嶺 萬歷杭州府志在龍山之北

白塔嶺 萬歷杭州府志在龍山之東

徐村嶺 礪馬嶺 牛坊嶺 咸淳臨安志並在定

山北鄉

青木嶺 咸淳臨安志在縣治西四十里

姜釵嶺 萬歷杭州府志在縣西南二十里路登五

雲山

長嶺 萬歷杭州府志在五雲山東北三里通九溪

十八澗

白巖嶺 萬歷杭州府志在白巖山南

鷺鷥嶺 杭州府志在白巖山北高二丈長五里

龍門嶺 萬歷杭州府志在縣治西南四十里西達

餘杭縣界

黃山大嶺 杭州府志在黃山左平坦如掌北達西

溪南通長江

鮑家嶺 萬歷杭州府志在縣治西南五十里東達

官路至富陽

小嶺 萬歷杭州府志在壩山北東達定南公館

滕村嶺 咸淳臨安志在縣治西南五十里

分金嶺 咸淳臨安志在縣治西南六十里

荊山嶺 萬歷杭州府志在縣治西北四十里西

達餘杭界

石嶺 萬歷杭州府志在神山東峻極人不易登南  
通上埠

銀子嶺 萬歷杭州府志在縣治北六十里西北達  
餘杭界

蛾野嶺 萬歷杭州府志在大遮山

太平嶺 杭州府志在白雲嶺西

金龍嶺 萬歷杭州府志在金龍山西

石門嶺 萬歷杭州府志在唐山西南有唐家陡門



闕蓄安溪茗溪諸水雖亢旱可灌田數千頃東達  
仁和界

界山嶺 杭州府志在縣治北七十里

瑪瑙坡 萬歷杭州府志在寶勝寺有碎石如瑪瑙  
故名舊有瑪瑙院

棲霞洞 咸淳臨安志在棲霞嶺巔妙智寺側其地  
多巖石蔽翳蓁莽中入其中穹然如夏屋雙巨石  
相倚為閤閤每風從南來穿豁豁而出輒淒神寒

骨不可久立故暑遊最勝

紫雲洞 西湖游覽志在棲霞嶺巔去妙智菴數百  
步許倚空如懸陰涼徹骨

龍泓洞 咸淳臨安志在靈隱山下吳赤烏二年葛  
仙翁于此得道有石洞徹浙江下過蕭山有采石乳  
者入洞聞波浪聲舊有人就洞兩邊鑿羅漢十六

尊

貝瓊龍泓洞詩遠通羅剎國近接梵王臺海客

然犀入山人采乳回林間無日月地底有風雷

聞道蜿蜒入  
寒潮自往來

呼猿洞 高僧傳宋僧智一居錢塘靈隱寺半峰善

嘯有哀松之韻常養猿于山間臨澗長嘯衆猿畢

集人謂之猿父有飯猿臺

張履信呼猿洞詩飛來何處峯木杪夜千尺愁

猿喚不應月  
色同一白

華津洞 萬歷杭州府志在方家峪巖戶靚深石色

秀異如翠螺蒼玉清氣沁人雖夏月登臨寒砭肌

骨

水樂洞 咸淳臨安志在南山烟霞嶺下舊為錢氏

西關淨化院宋淳熙六年以其地賜李棗仍建佛  
宇巖石磻峙有洞虛均泉味清甘聲如金石熙寧  
二年守鄭獬名曰水樂西湖游覽志嘉泰以來洞  
為楊郡王別墅年久蕪穢水樂絕響賈似道得之  
俯晚旁聽悠然有契曰谷虛而後能應水激而後  
有聲今水渚其中土壅其外欲其振響得乎亟命  
疏導有聲從洞間出節奏自然勝概始復

徐集孫  
水樂洞

詩路穿巖竇折羊腸處處亭臺御墨香流水不隨  
人事去尚餘絲竹舊宮商楊載水樂洞詩石林

求路轉聲才來訪香巖大士家雨過門前生薤葉  
風行龍上落松花懸崖滴水鳴金磬激澗流泉走  
玉沙欲過山林去城  
市久知寂寞勝紛華

石屋洞 咸淳臨安志在烟霞塢南山大仁院洞高

敞如屋周圍鐫羅漢及諸佛像極底有泉

仇遠游石屋洞

詩誰擘空青露石砌游龍伸臂下南高鬼神穿鑿  
地脉碎風雨支撐天柱牢峭壁蒼苔侵佛髻懸崖  
滴乳濕僧袍伽藍聞是香  
山叟燈暗荒祠沒野蒿

烟霞洞 咸淳臨安志在縣舊治之西一十六里晉

開運元年有僧彌洪結菴洞口遇神人指山後有勝

蹟何不顯之洪尋見一洞內有石刻羅漢六尊洪  
既卒吳越王錢氏夢僧告云吾有兄弟一十八人  
今方有六王可聚之夢覺訪得烟霞洞有六羅漢  
遂別刻一十二尊以符所夢其洞極大乃諸洞之

首旁有巖名曰佛手巖象鼻巖

蔡襄游烟霞洞詩  
新晴特地入烟霞

道並南山轉更賒幽谷過鄰溪口寺家雞鳴午野  
人家洞深垂溜先如雨石古籠藤亂放花潘岳小  
園猶作賦輕軒  
選勝樂無涯

天池洞 萬歷杭州府志在南高峯之南山半石筍

躍起架虛壁立其上有穴蓄水旱潦不加盈涸天然之奇池下即洞深邃莫測

護國仁王院洞 咸淳臨安志在錢塘門埽帚塢有

泉出洞中旱禱而雨

西湖游覽志故老相傳夏時常有神物蜿蜒卧松上

其氣莽然而黃蓋黃龍也故世號黃龍洞孟珙建仁王寺并作龍祠

千人洞 萬歷杭州府志在天池洞右山洞僅六尺

許漸進漸廣殆可容千人相傳昔有寇難里人多避於此今甌窰陶器尚存時有樵人取石墜下不

聞其聲

無門洞 萬歷杭州府志在千人洞上百步峭石巉  
巖壁立數仞可視不可登洞深丈餘左右鐫羅漢  
十六平坡石磴可坐十餘人視下如在浮雲中

鐵窗櫺洞 咸淳臨安志在赤山殿司左軍寨內尼  
庵之側洞口高數尺舊有蛟龍出入居民鑄鐵窗  
櫺嵌於石槽以拒之水自窗櫺中出六月如冰

風水洞 咸淳臨安志在楊村慈巖院舊名思德有



洞極大流水不竭頂上又一洞立夏清風自生立

秋則止故名中多石子紅點如丹持出即隱置于

內如故

趙非游風水洞詩風穴有聲連水洞聽風看水暫開身杭州未入從容甚且與南山

作主人蘓軼風水洞和李鄧推詩風轉鳴空穴泉幽瀉石門虛心聞地籟妄意覓桃源過客詩難好

居僧語不繁歸瓶得冰雪清冷慰文園

靈化洞 咸淳臨安志在郊臺天真院山頂深百餘

步直下闊十餘丈有和靖東坡題名刻于石

白龍洞 咸淳臨安志在崇化鄉大雄山嘉定八年

趙安撫時侃以旱禱雨隨至奏封顯靈孚應侯賜  
廟額曰敏應

葛塢 咸淳臨安志在靈隱山吳方士葛孝先所居  
也晉葛洪亦隱于此

石人塢 咸淳臨安志在靈隱寺西石人嶺下

水竹塢 咸淳臨安志在九里松行春橋南舊有水

竹之勝

青芝塢

咸淳臨安志作青枝

萬歷杭州府志在九里松石板巷

玉泉後山巷南渡駐蹕繞湖皆巷市故有石板巷之名

龍駒塢 萬歷杭州府志在西溪

東墓塢 成化杭州府志在靈隱寺西

法華塢 咸淳臨安志在西溪中有東嶽祠

楓木塢 咸淳臨安志在中下天竺之間舊多楓木

故名

錦塢 咸淳臨安志在錢塘門外上智果寺前寶雲

菴下舊多花卉故名

楊梅塢 咸淳臨安志 古蹟事實云在南山近瑞峰  
石塢內有一老嫗姓金其家楊梅甚盛俗稱楊梅  
塢

靈石塢 萬歷杭州府志 在楊梅塢後山

方家峪 成化杭州府志在清波門外路通蔥雲嶺  
梯雲嶺

冷水峪 成化杭州府志在包家山多桃花中有流

水為城南勝槩

黃順之冷水峪桃花詩石家步障久成塵移作包山一段春惆悵日

斜原上路年年  
紅雨打行人

壽星石

舊名落星石

成化杭州府志在錢塘門外巨石山

南嶺謂之青山頂有二圓石湖中望之若星墜焉

三生石

成化杭州府志在下天竺寺後山唐李源

與僧圓澤為友同至三峽期後世見於杭州葛洪

川畔後十二年如期至忽聞牧童隔水呼源歌曰

三生石上舊精魂賞月吟風不要論慚愧情人遠

相訪此身雖異性常存歌畢拂袖而去石之中峰有篆刻三生石三字旁石題名甚多

神運石 萬歷杭州府志在龍井高可六尺許奇怪突兀特立簷下有木香一架穿繞竅竇宛若蛇蟠明正統十三年中貴李德駐龍井屬旱令力士淘之得茲石上有神運二字不知何代所鐫

一片雲石 杭州府志在風篁嶺上高可丈許青潤玲瓏巧若鏤刻

赤山步 萬歷杭州府志俗稱曰埠在赤山路口

法公步 萬歷杭州府志在茅家步南

茅家步 萬歷杭州府志在飲馬橋北

按輟耕錄作毛家步

西湖

一名明聖湖

水經注 錢塘縣南江側有明聖湖父

老傳言湖有金牛古見之神化不測湖取名焉宋

史河渠志西湖周廻三十里源出武林泉西湖游

覽志本名錢塘湖以在郡西故名西湖三面環山

溪谷縷注下有淵泉百道潄而為湖諸山之脉皆

宗天目蜿蜒東來若翔若舞萃于錢塘南北諸山

崢嶸迴繞洩惡停深若練若鏡形勝闕乎郡城餘

波潤于下邑方輿勝覽西湖十題有平湖秋月蘓

堤春曉斷橋殘雪雷峰落照南屏晚鐘麴院風荷

花港觀魚柳浪聞鶯三潭映月兩峯插雲

白居易錢塘湖

春行詩孤山寺北賈亭西水面初平雲脚低幾處  
早鶯爭暖樹誰家新燕啄春泥亂花漸欲迷人眼

淺草纔能沒馬蹄最愛湖東行不足綠楊陰裡白  
沙堤林逋西湖詩混元神巧本無形匠出西湖作

畫屏春水浮于僧眼碧晚山濃似佛頭青藥攄粉堵  
搖魚影蘭杜烟叢聞鶯翎往往鳴榔與橫笛斜風



細雨不堪聽。蘇軾飲湖上初晴後雨詩。朝曦迎客  
豔重岡。晚雨留人入醉鄉。此意自佳。君不會一杯  
當屬水仙王。水光瀲灩晴方好。山色空濛雨亦奇。  
欲把西湖比西子。淡粧濃抹總相宜。范成大會客  
湖上詩。西湖冰泮綠生。鱗料峭。春風欲中人。花片  
不禁寒。食雨鬢絲猶帶湧金春。江山契闊詩情在  
京洛。追隨客夢新。喚取歌聲解愁思。為君吹水飲  
杯頻。張翥春日泛湖詩。春來渾不到湖邊。偶逐東  
風上畫船。花氣暖薰黃鳥岸。水光晴展白鷗天。綠  
尊興劇頻呼酒。銀管聲高幾覲絃。我比放翁應更放  
看花不獨海棠顚。鍾禧泛西湖詩。萬頃西湖水。貼  
天芙蓉揚柳亂。秋烟湖暈為問山。多少每個峯頭  
年住一

國朝康熙三十八年

聖祖仁皇帝南巡駐蹕西湖

御書十景建亭勒石雍正二年以西湖有關東南水利

特命督撫會勘重加疏濬

詳見水利

西溪 萬歷杭州府志 在武林山之西北欽賢鄉宋

高宗欲都其地後得鳳凰山乃云西溪且留下俗

稱留下云

葉紹翁西溪詩一條橫木過前溪村女  
齊登采葉梯獨立衡門春雨細白雞飛

上樹  
梢啼

九溪 咸淳臨安志 在赤山烟霞嶺西南通徐村出

大江北達龍井

凌溪 咸淳臨安志在長壽鄉

安溪 咸淳臨安志在縣北五十里溪上大遮山有

龍王穴舟人相傳風雨之夕龍吐珠有光

鳳口溪 咸淳臨安志在安溪之北十八里

十八澗 萬歷杭州府志在龍井之西路通六和塔

金沙澗 萬歷杭州府志在靈隱寺側自合澗橋繞

靈隱寺山一帶唐家衝石橋過行春橋由麴院流入

湖

碧沼 夢梁錄在湖州市左八郎廟巷池廣三畝水

清甘有扁曰碧沼

如意池 萬歷杭州府志在上天竺麓以青石方丈

面鏤如意文曲折回繞可以流觴

金沙池 銀沙池 萬歷杭州府志並對呼猿洞

萬工池 萬歷杭州府志在淨慈寺門外宋建炎已

前寺屢遭回祿鞠為荆墟淳熙間有善青烏之術

者云須鑿池以禳之寺僧宗本乃募化開池與力  
者萬人故名

太子灣 萬厯杭州府志在九曜山之西宋時莊文  
景獻二太子攢園

枯樹灣 萬厯杭州府志東通德勝橋

淳泉 在孤山之麓聖因寺內寒碧一泓澄澈可鑒

國朝康熙四十六年

聖祖仁皇帝南巡駐蹕

御書淳泉二字勒於崖石

御製五言詩一首

恭紀  
首卷

沁雪泉 西湖游覽志在大佛身右壁崇陵方思道

題

後僕夫泉 萬厯杭州府志元僧方洲所鑿也先是

智圓居孤山有僕夫藝竹得泉遂號僕夫泉後徙

寺茲山藉葛井以汲寺僧艱之方洲鑿地得此遂

名

參寥泉 成化杭州府志在智果寺蘓軾應夢記云  
僕在黃州參寥子自吳中來訪一夕夢參寥子賦  
詩覺而記兩句寒食清明都過了石泉槐火一時  
新後七年僕守錢塘而參寥子始卜居西湖智果  
院有泉出石縫間甘冷宜茶寒食之明日僕與客  
泛湖自孤山來謁參寥子汲泉鑊火烹黃蘗茶忽  
憶夢兆於七年前衆客皆歎傳記所載非虛語  
也

六一泉 萬歷杭州府志在孤山後巖東坡守杭時

泉出有懷六一翁因名乃叙而銘之久廢成化丙

申南京大理寺卿夏時正間訪得綦穢中命掃蘿

而濬發之泓然故物也

蘇軾六一泉銘并序歐陽文忠公將老自謂六一居

士予普通守錢塘見公于汝陰而南公曰西湖僧  
慧勤甚文而長于詩吾昔為山中樂三章以贈之  
子聞于民事求人于湖山間而不可得則往從勤  
乎予到官三日訪勤于孤山之下抵掌而論人物  
曰公天人也人見其暫寓人間而不知其乘雲取  
風歷五岳而跨滄海也此邦之人以公不一來為  
恨公麾斥八極何所不至雖江山之勝莫適為主  
而奇麗秀絕之氣常為能文者用故吾以謂西湖



蓋公几案間一物耳。勸語雖幻怪而理有實然者。明年公薨予哭于勤舍。又十八年予為錢塘守則勤亦化去久矣。訪其舊居則弟子二仲在。馬畫公與勤之像事之如生。舍下舊無泉。予未至數月泉出。講堂之後孤山之趾。汪然溢流甚白而甘。即其地鑿巖架石為室。二仲謂予師聞公來出泉以相勞。若公可無言乎。乃取勤舊語推本其意名之曰六一泉。且銘之曰。泉之出也。去公數千里。從公之沒十有八年。而名之曰六一。不樂其誕乎。曰。君子之澤豈獨五世而已。蓋得其人則可。至于百傳。當試與子登孤山而望吳越。歌山中之樂而飲此水。則公之遺風餘烈亦或見于斯泉也。

玉泉 夢梁錄在錢塘九里松北淨空院南齊末有  
靈悟大師曇超開山說法龍君來聽撫掌出泉有

小池水清可鑒異魚游泳其中萬歷杭州府志宋  
淳祐八年趙與憲甃治龍潭增築為二池元末寺  
毀而泉如舊至嘉靖間郡守陳仕賢為亭其上寺

後有細雨泉

周紫芝題淨空泉詩誰穿巨石貯清  
泉不見趙公舊講筵龍伴白雲歸竇

藏魚隨流  
水下春田

國朝雍正六年總督臣李衛復于泉上建亭曰洗心

冷泉 萬歷杭州府志在靈隱寺外飛來峯即石門

澗水浦

陸垕冷泉看放水詩泉聲飛出關委折綠  
陰間此地原無暑多時不入山草歌疑石

陸水定見魚還難得同龜鶴游吟半日閒周紫芝  
冷泉放閘詩呼猿洞口水潺潺忽卷奔流下九天  
乞得少陵三峽句  
為君題作倒流泉

暖泉 咸淳臨安志一名渦渚在東嶼見陸羽二寺  
記

茯苓泉 咸淳臨安志在靈隱無垢院半山古松婆  
娑下有甘泉博物志云松脂入地千年為茯苓因  
名

白沙泉 成化杭州府志在靈隱西菩院方丈西有

泉從白沙中流出

武林泉 咸淳臨安志 西漢及晉地理志云錢唐有  
武林山武林水所出東入于海晏元獻輿地志云  
武林山錢唐泉所出顧夷吾山川記自南徂東臨  
浙江一派謂之靈隱浦

月桂泉 伏犀泉 永清泉 丹井 偃松泉

聰明泉 倚錫泉 萬歷杭州府志皆出天竺

玉液泉 萬歷杭州府志在永清塢心菴後白雲巖

下

定光泉 成化杭州府志在西山長耳相院西定光  
庵側山腰有泉盤迴飛流濺沫可愛淳祐丁未亢  
旱此泉不竭寺僧用篲引泉供庖

真珠泉 萬歷杭州府志在集慶寺內周顯德間泉  
自地迸出寺僧因甃為方池聞剝啄聲則泉益涌  
纍纍如貫珠宋景祐中官家取以釀酒遂以名酒  
雷峰路口亦有真珠泉

筍箕泉 萬歷杭州府志在赤山之陰合於惠因澗  
元黃子久號大癡卜居泉上

劉公泉 萬歷杭州府志在南高峰下出石竇間清  
澈可玩宋常平劉寬贊池因篆書劉公泉三字於  
石

蓮花泉 萬歷杭州府志在飛來峰頂石巖無土清  
而可啜

虎跑泉 舊浙江通志在城西南十里大慈山上咸

淳臨安志舊傳性空禪師常居大慈山無水忽有神人告之曰明日當有水矣是夜二虎跑地作穴

泉涌出因名

蕪載虎跑泉詩亭亭石塔東峰上此老初來百神仰虎移泉眼越行脚龍

作浪花供撫掌至今游人盥濯罷卧聽空階環玦響信知此老如此泉莫作人間去來想

國朝康熙三十八年

聖祖仁皇帝南巡臨幸

御製七言詩一首

恭紀  
首卷

儀和泉 胡引嘉儀和泉記在錢塘大雄山麓方廣

可八九尺甃石圍砌清水湛然斷碣隱隱草際字  
畫磨滅洗而讀之曰儀和泉淳熙三年三月十日  
吳興沈彥重立共二十四字餘七字漫不可讀

涌泉 萬歷杭州府志在霍山清心院前山坡上宋  
紹興間高宗日遣人取之淪茗寺僧護以朱欄泉  
從石罅中流出廟前折入黃山橋小河味極清甘  
亢旱不竭

惠泉 咸淳臨安志在長壽鄉大老山泉自地涌出



亢旱不竭有寺以泉為名

渦水 西溪梵隱志在西溪東北本南漳湖宋百詠  
題曰薰葭深處俗呼河水亦名渦水一望沙汀水  
瀨秋時荻花如雪

方井 咸淳臨安志在西溪有亭扁曰方井米芾書  
龍井 武林舊事吳赤烏中葛稚川常煉丹于此在  
風篁嶺上巖壑林樾幽古石竇一泓清澈翠寒甘  
美可愛雖久旱不涸石上流水處其色如丹遊者

視久水輒溢人去即減其西深不可測相傳與江海通有龍居之每禱必應或見小蟹斑魚蜥蜴之

類井旁有惠濟龍王祠

秦觀龍井記龍井舊名龍泓距錢塘十里吳赤烏中

方士葛洪常竦丹于此事見圖記其地當西湖之西浙江之北風篁嶺之上寔深山亂石中之泉也每歲旱禱雨于他祠不獲則禱于此有禱輒應故老相傳以為有龍居之然泉者山之精氣所發也西湖深靚空闊納光景而含烟霏菱芡荷花之所附麗龜魚鳥虫之所依憑漫衍而不迫紆餘以成文陰晴之中各有奇態而不可以言盡也故岸湖之山多為所誘而不克以為泉浙江介于吳越之間一晝一夜濤聲自海而上者再疾擊而遠馳兕虎駭而風雨怒過者摧當者壞乘高而望之使人

毛髮盡立心掉而不禁故岸江之山多為所脅而不暇以為泉惟此地蟠幽而踞阻內無靡穢之誘以散越其精外無豪悍之脅以虧疎其氣故頽之左右大率多泉龍井其尤者也夫蓄之深者發之遠其養也不苟則其施也無窮龍井之德蓋有至於是有者則其為神物之托也亦奚疑哉葉紹翁秋日游龍井詩引道煩雙鶴攜囊倩一童竹光杯影裏人語水聲中不雨雲常濕無霜葉自紅我來何所事端為聽松風葛天民龍井詩龍護深潭草木昏斷碑元祐典型存蜀仙已去吳僧少嶺上松蘿亦斷魂

錢塘江 萬歷錢塘縣志在縣東南本名浙江虞喜

志林云潮水投浙山下折而曲一云江有反濤水

勢折歸故云浙江一名浙河山海經云禹治水至

於浙河

說文云江水東至會稽山陰為浙江又浙水出丹陽縣中東入海今錢塘浙江是也

秦始皇渡浙江至會稽則浙名舊矣桑欽載漸水所經入正今浙江而不名為浙漸字近浙而相變如鄴鄒則浙之得名既以先秦而桑欽更以

又名

曲江枚乘七發曰觀濤于廣陵之曲江

一名羅刹江取風濤

險惡意

今名錢塘江其源發黟縣曲折而東以入於

海潮水晝夜再上奔騰衝激聲撼地軸郡人以八月十八日傾城觀潮為樂昔有善泗者汧濤出沒

謂之弄潮往往沒溺厲禁乃止其沿江之塘自唐

宋來代有修築錢武肅王所謂射潮捍塘處

任昉  
濟浙

江詩昧旦乘輕風江潮忽來往或與歸波送乍逐  
翻流上近岸無遐目遠峯更興想綠樹懸宿根丹

崖顛久壤喻坦之發浙江詩島嶼遍含烟烟中濟  
大川山城猶轉漏沙浦已搖船海曙霞浮日江遙

水合天此時空闊思翻想涉窮邊白居易看潮詩  
早潮纔落晚潮來一月周流六十回不獨光陰朝

復暮杭州老去被潮催羅隱錢塘江潮詩濤聲洶  
洶勢悠悠羅剎江邊地欲浮漫道往來存大信也

知反覆向平流任拋巨浸疑無底猛過西陵似有  
頭至竟潮昏誰主掌好騎鯨鯉問陽侯蘓軾中秋

看潮詩定知玉兔十分圓已作霜風九月寒寄語  
重門休上鉤夜潮留向月中看萬人鼓噪攝吳儂

猶似浮江老阿童欲識潮頭高幾許越山渾在浪花中  
江神河伯兩醺醺海若東來氣吐霓安得夫差水犀手  
三千强弩射潮低仇遠觀湖詩一痕纔見海門生頃刻  
長驅作怒聲萬馬突圍天鼓碎六鰲翻背雪山傾遠朝  
魏闕心猶壯直上嚴灘氣治平寄語吳兒休踏浪天吳  
同象正縱橫

餘杭塘河 萬歷杭州府志在武林門外自江漲橋

四十五里至餘杭縣北通新開運河

詳見水利

龍山河 萬歷杭州府志自鳳山水門至龍山閘舊

有河計一十二里置閘以限潮水歲久壅塞元延

祐三年行省丞相托克托命民開浚造石橋立二閘

洪武七年行省叅政徐本拓廣浚深舟楫始便

詳見

水利

下湖河 萬歷杭州府志 在溜水橋沿東西馬塍羊  
角埂上泥橋至賣魚橋西合餘杭塘河一派入左  
家橋河入江漲橋河

沙河塘 唐書地理志錢塘南五里有沙河塘咸通  
二年刺史崔彥曾開

明珠浦 晏公類要在縣西

仁和縣

城外山川

鳳凰山 萬歷杭州府志在城南十里有金星洞郭

公泉出焉西岡石筍林立名排衙石形家謂一郡

旺氣藉此左瞰大江直望海門山下唐以來肇造

州治五季末錢鏐旋加崇闢南宋建都遂環入禁

苑

劉過同郭殿帥游鳳凰山詩庶纖小雨久于梅喜得新晴亦快哉五色波光麗鵲鵲十分雲氣

近蓬萊旌旗側畔宮牆轉戈戟叢中武庫回走馬看花生怕晚果然桃李一山開

名勝志

舊在城內元末張士誠築城截之於外今沿城南



巧山 萬歷杭州府志在縣治北四十里名勝志俗傳錢王七夕登山乞巧於此又名珠山

三峯山 萬歷杭州府志鄉人呼為西南山在縣治北六十里三山形如品字皆相去半里

獨山 仁和縣志又名金鰲山在縣北三十里聳出一方傍無別山故名

瓜山 萬歷杭州府志在縣東北二十五里高幾一仞周三百步

望洛山 名勝志一名落山在縣北六十里昔有高士自洛陽來隱於此常登巔望洛故名

皋亭山 咸淳臨安志在縣治東北二十里高百餘

丈有崇善靈惠王祠名半山廟旁有水甕及桃花

塢釋宗乘發聲亭詩曉發凌蒼苔徘徊谷中步松門磬已微空翠驚相顧澗聲雜幽禽巖花落深

樹孤懷當何如復此春向暮

青龍山 成化杭州府志在皋亭山東約高七十餘

丈山脊蒼翠偃曲如龍

母山 咸淳臨安志在臯亭山東北高一百餘丈張翼左右如母顧子因名

桐扣山 咸淳臨安志在臨平山之西異苑晉武帝時吳郡臨平岸圯出一石鼓打之無聲以問張華華曰可取蜀中桐材刻作魚形扣之則鳴矣於是如言聲聞數十里

黃鶴山 咸淳臨安志在縣治東北三十八里佛日山之北高百餘丈巔有龍池一名渥洼山腰有黃

鶴仙洞

佛日山 成化杭州府志在母山東北高六十餘丈

有佛日淨慧寺

司馬樵入佛日山詩水冷苔生暈風高竹度涼道人何處去春色半

滄浪秦觀佛日山同作五里喬松徑千年古道塲泉聲與嵐影收拾入僧房

臨平山 成化杭州府志在縣治東北五十四里周

十八里高五十三丈上有龍洞天井旱未嘗涸下

有東嶽廟景靈觀又下有臨平湖

僧道潛過臨平詩風蒲獵獵弄

輕柔欲立蜻蜓不自由五月臨平山下路藕花無數滿汀洲高翥過臨平詩風帆一似白鷗輕起揭

蓬窓看曉晴梅子著花霜歷岸自披風帽過臨平  
張昱過臨平詩船過臨平欲住難藕花紅白水雲  
間只因一霎溟濛雨  
不得分明看好山

超山 咸淳臨安志在縣治東北六十里高三十七  
丈周二十里

黃山 萬歷杭州府志在縣治東北五十里高五十  
丈周回五里北一里為橫山名東西二橫山皆相  
連絡

大旗山 咸淳臨安志在黃鶴山北高五十餘丈有

青草塢居民可二百家名大旗村

南山 咸淳臨安志在大旗山北高十餘丈

烏頭山 咸淳臨安志在肇元鄉峰銳而秀高八十

餘丈

石姥山 咸淳臨安志在烏頭山東高五十餘丈有

嶺南接運河塘赤岸嶺西有真珠塢

東山 萬歷杭州府志城西北五十一里高二十六

丈周回七百九十三丈

石膏山 成化杭州府志去城西北五十七里出石  
膏如雪一名稽留山無毒獸惡虫通典錢塘有石  
膏山敷用為最

馬嘯山 咸淳臨安志郡國志吳伐越至此遇大風  
雨軍敗騎兵有馬嘯呼求其主遂名

亭市山 咸淳臨安志在餘石鄉亭市村

萬曆杭州府志石膏

馬嘯亭市皆舊志所有於  
今無考姑錄之以備參訪

艮山 嘉靖仁和縣志在城東北隅一小土阜

西湖遊覽

志艮山南山之盡脉也高不踰尋丈沿城五六里  
漫為平原土沃疇腴禾菽芄茂蓋餘氣之散行耳  
歲寒堂集艮山相傳為  
南渡宸游看新綠之處

萬松嶺 成化杭州府志在鳳山門外西嶺上舊夾  
嶺栽松唐白樂天詩云萬株松樹青山上十里沙  
隄明月中在南宋時密邇大內第宅民居高下櫛  
比後為空山曠嶺而松亦無幾

國朝雍正八年總督臣李衛補植萬株

黃犢嶺 萬歷杭州府志在城東北六十里安隱寺



後 咸淳臨安志安隱院後有黃犢嶺唐邱隱士每

乘黃犢采藥故名

呂欽黃犢嶺詩時昔聞高隱紅塵隔遠林閑乘黃犢出踏破白

雲深

月巖 七修類稿江干鳳凰山有石如片雲拔地數丈有一竅尺餘名曰月巖惟中秋之月穿竅而出餘月則斜

金星洞 萬歷杭州府志在鳳凰山介亭下生金星草因名

細礪洞 咸淳臨安志 在臨平山深十餘丈高一丈  
五尺出礪石

龍洞 咸淳臨安志 在臨平山水深不可測祈禱多  
應

海雲洞 咸淳臨安志 在超山上有乾濕二洞黑龍  
王祠

臨平湖 咸淳臨安志 在縣東長樂鄉周回十里湖  
中有白龍潭赤烏二年寶鼎見舊名鼎湖

三國吳志歸命

侯皓天璽元年吳郡上言臨平湖自漢末草穢壅塞今更除平故老相傳此湖開天下平又于湖邊得石函中有小石青色長四寸廣二尺餘刻上作皇帝字俄而晉武帝平吳張祐過臨平湖詩三月平湖草欲齊綠楊分映入長隄田家起處烏鳧吠酒客醒時謝豹啼山檻正當蓮葉渚水塍新築稻秧畦人間漫說多歧路咫尺神仙路欲迷

御息湖

一名詔息湖

咸淳臨安志在縣東北一十八里

相傳秦始皇東游暫憩於此水經注浙江北合詔

息湖本名乍湖

像光湖 咸淳臨安志在縣治東長樂鄉唐神龍元

年湖有五色光明掘地得石佛像因立佛剎而名  
其湖曰像光

石鼓湖 咸淳臨安志在桐扣山下

渥洼池 鮮于樞舉亭山遊記淨慧寺循東廡下入

庫堂觀渥洼池池泉玉色出東北山麓有石坡陀

半在水中因蘓公句遂名

蘇軾佛日山禪長老方丈詩東麓雲根露角牙

細泉幽咽走金沙不堪土肉埋山骨未放蒼龍浴渥洼

洗馬池 萬歷杭州府志在城南二里鳳山右翼下

宋有馬廐於此

龍池 萬歷杭州府志在城東北四十里黃鶴山下  
磨劍池 咸淳臨安志在臨平山下有片石俗傳錢  
王磨劍於此

浴龍池 思古堂集臯亭山崇光寺有浴龍池宋高  
宗嘗洗手因名

龍游潭 咸淳臨安志在臯亭山時有蜿蜒出沒其  
間鄉人稱為水甕旱禱必雨

金沙泉 萬歷杭州府志在永和鄉

周公惠泉 咸淳臨安志在湖墅下閘宋乾道三年

周安撫宗重修邦人德之故名

安平泉 咸淳臨安志在安仁西鄉安隱寺有池名

安平泉

蘇軾題安平泉詩策杖徐徐步此山撥雲尋徑興飄然鑿開海眼知何代種出菱花

不記年烹茗僧誇題汎雪煉丹人化骨成  
仙當年陸羽空收拾遺却安平一片泉

噴玉泉 桐溪草堂集在皋亭崇光寺後味清甘石

壁舊鐫噴玉二字

橫溪 萬歷杭州府志在城北二十五里獨山之北  
傍皆藕蕩菱灘紅碧相間人家隱約于迴洲合浦  
之間舟船出沒烟波渺瀰儼如畫境

外沙河 成化杭州府志自永昌門北繞城東過永  
昌壩螺蛳橋東至蔡湖橋北達慶春門外河相合  
沿城轉西至會安壩下艮山河西入泛洋湖轉北  
至德勝橋東與上塘運河合

前沙河 成化杭州府志在菜市門東太平橋外沙

河北水陸寺前入港可通湯鎮赭山仁和鹽場

後沙河 成化杭州府志在艮山門外壩子橋北

上下塘河 成化杭州府志自武林水門接城內大

河西河過吳山水驛達清湖上中下三閘至德勝

橋東與外沙河菜市河泛洋湖合分為兩派一派

由東北上塘至舊東倉新橋入運河至長安壩曰

上塘河一派由西北過德勝橋至江漲橋與子塘

河合流至北新橋西北入湖州界曰下塘河北接



新開運河

高翥下塘詩河水新添三尺高河邊蘆葦有龜巢波流夜夜漂魚箔空點藍燈

照樹梢日出移船入日斜蘆根時復見人家水鄉占得秋多少岸岸紅雲是蓼花

新開運河 成化杭州府志在武林門外北新橋之北通蘓湖常秀潤等河凡諸路綱運及商販客舟皆由此達於城

柳浦 神州古史考在鳳凰山下宋書孔顗傳云吳喜至錢塘進軍柳浦舊唐書云隋自餘杭徙州理錢塘又徙州於柳浦是也吳越王後築宮堙塞多

不可考

鐵幢浦 成化杭州府志在候潮門外吳越錢武肅  
王射潮築塘箭所至處立幢識之因以得名宋淳  
祐戊申趙與憲置亭其上

藕花洲 萬歷杭州府志在城東北六十里臨平安

隱寺前

按洲以參寥  
子詩句得名


海門 咸淳臨安志在縣東北六十五里有山曰赭

山與龕山

隸紹興府

對峙潮水出其間郭璞地記所謂

海門一點巽山起又曰海門筆架峰巒起皆指此



浙江通志卷九